

Nipashhe

Ijumaa Julai 26, 2019 Tanzania 1,000/- Kenya 100/-

ISSN 0856 • Na. 0579980

www.twitter.com/nipashetz

www.ippmedia.com

www.facebook.com/nipashetz

MWANGA WA JAMII

www.instagram.com/theguardian_newspaper

LIKE & FOLLOW US



Ushahidi wa video kesi ya kina Mbowe watinga kortini

UKURASA 3



UKURASA 13

Lissu akata tiketi kurejea Tanzania

• **Azungumzia** mpango wa kesi kupinga kuenguliwa ubunge, asema kumshtaki Spika Ndugai kunahitaji umakini... *Ukurasa 2*



YALIYOMO

UKURASA WA 8

MAJALIWA ATANGAZA FURSA UWEKEZAJI RUVUMA

WAZIRI Mkuu, Kassim Majaliwa, amehamasisha wawekezaji kuwekeza mkoani...

UKURASA WA 26

WAZIRI ASHTUSHWA UHABA WA MBWA UWANJA NDEGE

UPUNGUFU wa mbwa katika Uwanja wa Ndege wa Kimataifa wa Mwalimu Julius...

Mashine kamari zanaswa ukwepaji wa kodi

UKURASA 3



Mkuu wa Mkoa wa Dar es Salaam, Paul Makonda, akimjulika hali mmoja kati ya watoto 20, waliofanyiwa upasuaji wa moyo kwa ufadhili wake, katika Taasisi ya Moyo Jakaya Kikwete, jijini humo jana. **Habari zaidi uk 3. PICHA: GETRUDE MPEZYA**

NSSF kuanza kuwasaka waajiri wakaidi michango

UKURASA 2

TAIFA STARS vs KENYA
JULAI 28, 2019 • UWANJA WA TAIFA



HAIUZI KWA WALIO NA UMRI CHINI YA MIAKA 18. TAFADHALI KUNYWA KISTAARABU.

Lissu akata tiketi kurejea Tanzania

Na Enock Charles

MWANASHERIA Mkuu wa Chama cha Demokrasia na Maendeleo (Chadema), Tundu Lissu, amesema maandalizi ya kurejea kwake nchini yamekamiliika.

Vilevile, mtaalamu huyo wa sheria ameendelea kusisitiza kuwa kufungua kesi Mahakama Kuu kumshtaki Spika wa Bunge, Job Ndugai, kunahitaji umakini mkubwa.

Akizungumza na Nipashe kwa simu juzi akiwa Ubelgiji, mtaalamu huyo wa sheria alisema atarejea nchini Septemba 7, mwaka huu, kama alivyoeleza awali.

Mwanasheria huyo alisema ameshafanya maandalizi yote

muhimu ikiwamo kukata tiketi ya ndege itakayomrejsha nchini siku hiyo.

"Uhakika wa nini? Unataka nikuonyeshe tiketi ya ndege? Ninayo tayari na mpango wa kurejea upo pale pale kama nilivyosema, ukisikia vinginevyo, niulize," alisisitiza.

Lissu anayetajwa kuwa hueda akapewa nafasi ya kuwania urais katika Uchaguzi Mkuu wa mwakani, pia alisema yuko mbioni kukamilisha taratibu za kufungua kesi kortini kumshtaki Spika Ndugai kwa kumvua ubunge.

"Mpango wa kufungua kesi hiyo taratibu zinaendelea maana inahitaji umakini mkubwa," Lissu alisema.

Mchana wa Septemba 7, 2017, Lissu (51), alishambuliwa kwa ku-

pigwa risasi zaidi ya 30 na watu wasiojulikana wakati akijiandaa kushuka kwenye gari lake, nyumbani kwake Area D jijini Dodoma, akitokea bungeni kushiriki kikao cha chombo hicho cha kutunga sheria.

Baada ya shambulio hilo la kinyama, Lissu ambaye pia ni Mnadhimu Mkuu wa Upinzani Bungeni, alilazimika kupatiwa matibabu ya kibingwa yaliyoanzia Hospitali ya Rufani ya Dodoma na siku hiyo usiku alihamishiwa katika Hospitali ya Nairobi, Kenya.

Lissu alikaa siku 121 katika hospitali hiyo ya Kenya hadi Januari 6, mwaka jana, alipohamishiwa Ubelgiji ambako Desemba 31, alimaliza matibabu yake ya awali na kuanza ziara katika baadhi ya nchi za Ulaya na Amerika.

Januari 19, mwaka huu, Lissu alihojiwa katika kipindi cha Dira ya Dunia cha Idhaa ya Kiswahili ya BBC na kuonyesha nia ya kugombea urais mwakani kama wanachama na viongozi wenzake wa Chadema watampa ridhaa hiyo.

Januari 21, mwaka huu, Lissu alihojiwa kwenye kipindi cha HardTalk cha BBC na mtangazaji maarufu Stephen Sackur, kipindi ambacho kilizua mjadala mkubwa kutokana na namna alivyojibu maswali.

Februari 20, mwaka huu, Lissu alifanyiwa upasuaji wa 23 alioidai ni wa mwisho kwenye goti la mguu wa kulia katika Hospitali ya Chuo Kikuu cha Leuven, Gasthuisberg, Ubelgiji na akasisitiza kuwa baada ya upasuaji huo atarejea Tanzania.

JPM asafiri kwa treni

Na Mwandishi Wetu

RAIS John Magufuli jana alisafiri kwa treni ya Tazara kutoka jijini Dar es Salaam kwenda Kisaki mkoani Morogoro na baadaye atakwenda Rufiji mkoani Pwani kuweka jiwe la msingi katika mradi wa kuzalisha umeme katika Mto Rufiji, maarufu Stiegler's Gorge.

Kabla ya kupanda treni, Rais Magufuli ambaye aliongozana na mkewe, Mama Janeth Magufuli, alizungumza na viongozi wa Tazara na kuwataka kuwasilisha mapendekezo yao juu ya hatua zinazopaswa kuchukuliwa kuboresha usafirishaji wa mizigo na abiria kupitia reli hiyo.

Rais Magufuli alisema serikali inatambua umuhimu wa Tazara na haiwezi kuiacha ikifanya kazi kwa ufanisi mdogo usiowaletea manufaa Watanzania kama ilivyokusudiwa.

Reli hiyo iliyojengwa kwa msaada kutoka China, ilianza kutoa huduma mwaka 1975 na inamilikiwa kwa ubia wa asilimia 50 kwa 50 wa nchi ya Tanzania na Zambia.

Ina urefu wa Km 1,860 ikiwa na uwezo wa kusafirisha tani milioni tano za mizigo kwa mwaka lakini kutokana na uwekezaji mdogo uliosababisha upungufu mkubwa wa injini na mabehewa, inasafirisha chini ya tani 300,000 kwa mwaka.

Mkurugenzi Mkuu wa Tazara, Bruno Chingandu na Meneja Mkuu wa Tazara Tanzania, Fuad Abdallah, walimweleza Rais Magufuli kuwa tayari mapendekezo ya mabadiliko ya sheria yamewasilishwa serikalini ili kuwezesha kila nchi kuwekeza katika Tazara kwa lengo la kuboresha usafirishaji wa abiria na mizigo.

Rais Magufuli aliagiza mchakato wa kufanya marekebisha ya sheria hiyo uharakishwe ili juhudi za kununua injini na mabehewa zifanyiike haraka.



Naibu Waziri wa Mambo ya Ndani, Hamad Masauni (kulia), akiongozana na maofisa wa vyombo vya ulinzi na usalama, alipofanya ziara ya kukagua sehemu mbalimbali za kupitishia mizigo, katika Uwanja wa Ndege wa Kimataifa wa Julius Nyerere, jijini Dar es Salaam jana. **PICHA: WMN**

NSSF yawatangazia kiama waajiri wakaidi

Na Salome Kitomari

MFUKO wa Taifa wa Hifadhi ya Jamii (NSSF) umesema wiki ijayo utanza kupita kwa waajiri nchi nzima ili kuwabaini na kuwachukulia hatua wasioandikisha na kupeleka michango kwa mujibu wa sheria.

Akizungumza na waandishi wa habari jijini Dar es Salaam jana wakati wa ufunguzi wa semina na uzinduzi wa huduma ya NSSF na marafiki, Mkurugenzi Mkuu wa mfuko huo, William Erio, alisema kampeni hiyo itanza mara moja kwa lengo la kutekeleza sheria.

Alisema utafiti wao umebaini

wapo waajiri wengi ambao hawajasajili kabisa waajiriwa wao, jambo ambalo ni kinyume cha sheria.

"Tumepata orodha nchi nzima, tutapita ofisi kwa ofisi kuhakikisha wanachama wanapata haki ya kisheria na waajiri wanatimiza wajibu wao kisheria wa kuandikisha wananchama wao," Erio alisema.

"Ni lazima kujiandikisha kwa mujibu wa sheria na kwa kila aliyeajiriwa kuandikishwa na michango yake kupelekwa ni suala la kisheria," alisisitiza.

Alisema NSSF inapenda waajiri na wanachama kutimiza wajibu kisheria ili kunufaika na matakwa

ya sheria na kwamba sekta binafsi yote iko chini ya mfuko huo.

"Nitoe rai kwa waajiri wote kokote waliko kutambua kuwa kwa utaratibu wa sasa, ukiondoa waliko serikali na kwenye taasisi ambazo serikali ina zadi ya asilimia 30 ya hisa, wako chini ya NSSF na wanastahili kupelekwa michango yao," alisema.

Alisema kwa walioajiriwa serikalini na taasisi mbalimbali wanatakiwa kuandikishwa kwenye Mfuko wa Pensheni kwa Watumishi wa Umma (PSSSF).

Erio pia alisema NSSF imeanzia utaratibu wa uchangiaji kwa hiyari na kwamba umesajiliwa mfumo wa hiyari ambao walioji-

ajiri walio sekta binafsi watapeleka michango yao.

"Tumekamilisha kusajili kwenye mamlaka husika, tutafuata hatua mbalimbali ikiwamo kupeleka michango kwa njia ya simu. Tunazungumza na kampuni za simu ili wanachama waweze kutuma michango yao kwa simu na kupata taarifa," alisema.

Alisema walio kwenye kampuni au taasisi, michango yao inafikishwa NSSF kupitia mfumo wa malipo serikalini ambao hupewa namba maalum ya malipo na kwamba watu binafsi hawawezi kupewa namba hizo na ndiyo maana wanatengeneza utaratibu wao wa kulipa kwa simu.

Erio alibainisha kuwa kundi hilo litanufaika na mikopo itakayotolewa kupitia benki zenye utaalumu na nguvu kazi iliyoboa.

Alisema wako kwenye hatua za mazungumzo na taasisi za fedha ikiwamo Benki ya Posta ili kutoa mikopo na vitendea kazi kwa ajili ya kutanua kazi zao.

Aliongeza kuwa wanachama hao pia watapata huduma za matibabu kwa kuwa wanakamilisha mazungumzo na Mfuko wa Bima ya Afya (NHIF) ili kutoa bima hizo kwa wanachama hao.

Mkurugenzi huyo alisema mipango yote hiyo inatarajiwa kukamilika na kuanza kazi mwezi ujao.

HABARI KITAIFA



Naibu Waziri Ofisi ya Waziri Mkuu, Sera, Bunge, Kazi, Ajira na Vijana, Antony Mavunde (wa pili kushoto), akikabidhi mfano wa hundi ya Sh. milioni nne kwa Alphonse Philipo wa Shule ya Msingi Jenerali Musuguri, aliyeibuka mshindi wa kwanza wa shindano la michoro ya usalama barabarani kwa wanafunzi wa shule za msingi mwaka 2019, mkoa wa Dodoma jana. Kushoto ni Mkurugenzi Mtendaji wa Puma Energy Tanzania, waandaaji wa shindano hilo, Dominic Dhanah. **PICHA: IBRAHIM JOSEPH**

Ushahidi wa video kesi ya kina Mbowe watinga kortini

Na Hellen Mwangi

MAHAKAMA ya Hakimu Mkaazi Kisutu, jijini Dar es Salaam imepokea kamera ya video na tepu rekoda mbili kama vilelezo katika kesi ya uchochezi inayowakabili vigogo wa Chama cha Demokrasia na Maendeleo (Chadema) akiwamo Mwenyekiti wake wa Taifa, Freeman Mbowe na wenzake wanane.

Mahakama ilikubali kupokea vilelezo hivyo namba nne na

tano, baada ya kutupilia mbali pingamizi la awali la upande wa utetezi kwamba shahidi hajakidhi vigezo vya kutoa vilelezo hivyo.

Uamuzi huo ulitolewa jana katika mahakama hiyo iliyoketi chini ya Hakimu Mkaazi Mkuu, Thomas Simba.

Alisema kwa mujibu wa kifungu cha 18 cha sheria ya kielektroniki kimeweka vigezo vya upokeaji wa vilelezo vya elektroniki.

“Shahidi wa sita wa Jamhuri, Koplo Charles, amekidhi vigezo hivyo, mahakama yangu imekubali kupokea kamera moja kama vilelezo namba nne na tepu rekoda mbili kama vilelezo namba tano cha upande wa Jamhuri na inatupilia mbali pingamizi la utetezi,” alisema Hakimu Simba katika uamuzi wake.

Alisema kesi hiyo itaendelea leo kusikilizwa ushahidi wa Jamhuri.

Awali wakili wa utetezi, Peter Kibatata alipinga kupokelewa kielelezo hicho kwamba ushahidi wa kielektroniki hauwezi kupokelewa mahakamani mpaka kuwapo kiapo mahususi kuhusu vilelezo hivyo.

Awali, shahidi wa sita, Koplo Charles wa Ofisi ya Mkuu wa Upelelezi wa Makosa ya Jinai Mkoa wa Kipolisi Kinondoni, alidai kuwa alikimbilia kwenye

INAENDELEA UK. 8

TRA yakamata mashine kukwepa kodi mil. 300/-

Na Gwamaka Alipipi

MAMLAKA ya Mapato Tanzania (TRA), imekamata mashine za michezo ya kamari 250 ambazo ziliingizwa nchini kwa njia ya udanganyifu, kuikosesha serikali kodi ya Sh. milioni 300 kwa mwaka.

Akizungumza na waandishi wa habari bada ya kukamata mashine hizo, Kaimu Meneja TRA Mkoa wa Kikodi Ilala, Stephen Kauzeni, alisema mashine hizo ziliingizwa nchini kama vifaa vitakavyotumika kutengeneza mashine.

Alisema mmliki wa mashine hizo ni Imtiaz Abdulaziz Bandari, ambaye namba yake ya utambulisho wa mfanyabiashara (TIN) ni mkoani Mbeya,

lakini taarifa zake zimeonyesha aliacha kufanya biashara mwaka 2014. Kauzeni alisema jina la kibiashara alilojisajili nalo mfanyabiashara huyo ni Bahati Jackpot. “Hizi mashine ziliingizwa kama vifaa vitakavyotumika kutengeneza mashine, lakini ukweli ni kuwa walikuwa na dhumuni na kuziunganisha na kuwa mashine kisha waziingize katika soko,” alisema Kauzeni.

Alieleza kuwa mfanyabiashara huyo alishirikiana na kampuni ya China kuingiza mashine hizo kwa makubaliano ya kushirikiana kufanya biashara.

“Endapo mashine hizi zingeingia kwenye soko zingepotezea serikali kodi ya Sh. milioni 25 kwa kila mwezi, kwa mwaka Sh. milioni 300, lakini tumeziwahi na tumezizuia,” alisema Kauzeni.

Alisema baada ya kukamata mashine hizo watazizuia kwa sheria ya ushuru wakati sheria zaidi zikichukuliwa.

“Zoezi hili ni endelevu, tunaendelea nalo, tulipata taarifa kutoka kwa wasamaria wema. Tumeshangea na watu wetu wa ushuru ili wawe makini na mashine hizi, tatizo vifaa vina vyotumika katika mashine hizi hazina tofauti na zile zinazotumika katika kompyuta, hivyo ni vigumu kubaini wakati mfanyabiashara anapopeleka nyaraka zake,” alisema Kauzeni.

Naye Meneja Ukaguzi na Udhibiti wa Bodi ya Michezo ya Kubahatisha Tanzania (GBT), Sadiki Elimsu, alisema mashine

hizo hazikufuata taratibu wakati wa kuziagiza.

“Mashine kama hizi hazizwezi kuingia nchini bila ya kupata kibali kutoa Bodi ya Michezo ya Kubahatisha, kubaini kama bidhaa hizi zinafaa au hazifai. Jukumu letu ni kuwalinda wateja,” alisema Elimsu.

Alisema mwagizaji lazima apate leseni kutoka GBT, atapaswa kuleta cheti kutoka maabara kinachonyesha mashine zimepimwa na zinakidhi viwango kwa mujibu wa sheria za Tanzania. Alisema lazima mwagizaji aonyeshe kibali bandarini kuwa mashine zake zimekaguliwa na GBT, aonyeshe sehemu anapokwenda kuziweka ambapo bodi itakwenda kukagua eneo hilo kama ni salama.

JKCI yatibu moyo bila upasuaji

Na Mary Geofrey

KWA mara ya kwanza Taasisi ya Moyo ya Jakaya Kikwete (JKCI) kwa kushirikiana na Madaktari Bingwa wa China, imefanikiwa kufanya upasuaji wa kuingiza vifaa ndani ya moyo na kuunguza sehemu ambazo zinafanya moyo uende mbio (SBT).

Huduma hiyo ambayo inatolewa kwa wagonjwa wanaotibiwa kwa bima ya afya, fedha taslimu na wenye msamaha, itawezesha wagonjwa wengi waliokuwa hawapati huduma hiyo nchini kunufaika.

Mkurugenzi Mtendaji wa JKCI, Prof. Mohamed Janabi, alieleza hayo jana wakati akipokea msaada wa fedha kwa ajili ya upasuaji wa watoto 17 ambao hawana uwezo, uliotolewa na wadau waliotafutwa na Mkuu wa Mkoa wa Dar es Salaam, Paul Makonda.

Prof. Janabi alisema juzi walimfanyia upasuaji mgonjwa mmoja kwa mafanikio makubwa na lengo ni kufanya upasuaji kwa wagonjwa sita hadi 10 kwa wiki moja.

“Kwa mara ya kwanza Tanzania jana (juzi), tumefanikiwa kufanya upasuaji wa kuingia ndani ya moyo na kuunguza sehemu ambazo zinafanya moyo uende mbio kwa lugha ya kigeni ni SBT na mgonjwa ametoka salama na sasa yupo wodini anaendelea vizuri kabisa, leo (jana), tayari tumeshaandaa mgonjwa mwingine kwa ajili ya kumfanyia upasuaji,” Prof. Janabi alisema.

Awali wagonjwa wenye tatizo hilo walikuwa wanapewa vidonge vya kutuliza maumivu na mapigo ya moyo, lakini haikuwa tiba ya kudumu kama inavyofanyika sasa.

Alisema duniani kote wanatoa matibabu ya aina hiyo ambayo hayana tiba mbadala na kwamba tayari JKCI wana kifaa na miundombinu ya kutoa tiba hiyo na wanachofanya sasa ni kupata utaalamu kutoka kwa madaktari wa China.

“Njia pekee inayotumika duniani ni kuunguza sehemu hiyo hakuna tiba mbadala. Tatizo hilo ni mfano wa sehemu tano au sita ambazo zinatoa umeme kwenye moyo wakati inayotakiwa kutoa umeme ni sehemu moja ili moyo uende sawa, hivyo tunachofanya ni kuunguza sehemu zote ambazo hazitakiwi kutoa umeme na tumerudisha ile sehemu moja inayotakiwa kutoa umeme,” Prof. Janabi alifafanua.

Alisema kwa sasa taasisi hiyo ina idadi kubwa ya wagonjwa wenye tatizo hilo na wanaendelea kuwapatia matibabu hata timu ya madaktari wa China itakapoondoka nchini.

INAENDELEA UK. 8



AFRICAN BANKING CORPORATION TANZANIA LIMITED

TAARIFA ZA FEDHA ZILIZOKAGULIWA

UONESHAJI WA TAARIFA ZA FEDHA KWA UMMA

IMETOLEWA CHINI YA KANUNI YA 7 NA YA 8 YA KANUNI ZA MABENKI NA TAASISI ZA FEDHA (UONESHAJI) YA MWAKA 2014

WARAKA MIZANIA KWA TAREHE 30 JUNI 2019 (Kiasi kwa shilingi milioni)

	Robo Mwaka ya /Mwaka wa sasa 30-Jun-19	Robo Mwaka/Mwaka uliopita 31-Mar-19
A MALI		
1 Fedha Taslimu	3,705	3,835
2 Salio Katika Benki Kuu ya Tanzania	7,367	9,523
3 Uwekezaji Katika Amana za Serikali	32,774	34,575
4 Salio Katika Benki Nyingine na Taasisi za Fedha	4,452	6,685
5 Hundi na Miamala ya Kushughulikiwa	190	1
6 Miamala Baina ya Matawi	-	-
7 Bili Zilizofikiwa	-	-
8 Dhima za Wateja Zilizokubalika	-	-
9 Mikopo Iliyotolewa kwa Benki Nyingine	94,037	88,118
10 Uwekezaji Katika Amana Nyingine	-	-
11 Mikopo Halisi Iliyopo	132,226	135,036
12 Mali Nyingine	34,172	33,437
13 Uwekezaji wa Hisa	1,000	1,000
14 Akaunti za udhamini	-	-
15 Mali Zisizohamishika, Mitambo na Vifaa	4,391	4,486
16 JUMLA YA MALI	314,314	316,696
B DHIMA		
17 Amana za Benki nyingine na Taasisi za Fedha	97,633	95,814
18 Amana za Wateja	89,299	97,924
19 Dhamana ya Malipo kwa Fedha Taslimu	-	-
20 Amana Maalum	-	-
21 Maagizo ya Malipo/Fedha za Kuhamisha	-	-
22 Hundi na Hawala za Kibenki Zilizotolewa	-	-
23 Limbiko la Kodi na Gharama Zitakazolipwa	-	-
24 Dhima la Tozo kwa Ajili ya Usuluhishi Baina ya Benki na Mteja	-	-
25 Miamala Isiyoshughulikiwa Baina ya Matawi	-	-
26 Mapato yaliyoingia ya Kipindi Kijacho na Tozo Nyingine Zitakazolipwa Baada	50	38
27 Dhima Nyingine	6,303	3,792
28 Madeni	67,881	65,144
29 JUMLA YA DHIMA	261,165	262,712
30 MALI/(DHIMA) HALISI (16 kutoa 29)	53,149	53,985
C FEDHA ZA WANAHISA		
31 Mtaji wa Hisa Uliolipwa	116,014	116,014
32 Akiba ya Mtaji	1,284	1,284
33 Mapato Yaliyobakizwa	(63,123)	(63,123)
34 Faida (Hasara) ya Kipindi Husika	(2,091)	1,255
35 Akaunti Nyingine za Mtaji	1,065	1,065
36 Stahiki ya Wenyehisa Chache	-	-
37 JUMLA YA FEDHA ZA WANAHISA	53,149	53,985
38 Dhima Zisizo Dhahiri	(0)	0
39 Mikopo Chechefe	8,130	8,214
40 Tengo kwa Ajili ya Mikopo Chechefe	22,303	20,245
41 Mali Nyingine Chechefe	19,807	17,783
D BAADHI YA VIASHIRO VYA HALI YA KIFEDHA		
(i) Uwiano wa Fedha za Wanahisa na Jumla ya Mali	16.9%	20.0%
(ii) Uwiano wa Mikopo Chechefe na Jumla ya Mikopo Ghafi	14.8%	13.2%
(iii) Uwiano wa Mikopo Ghafi na Jumla ya Amana	81.3%	78.8%
(iv) Uwiano wa Mikopo Halisi na Jumla ya Mali Halisi	42.1%	42.6%
(v) Uwiano wa Mali Zinazozalisha na Jumla ya Mali	83.8%	55.7%
(vi) Ongezeko la Amana	-3.5%	-3.1%
(vii) Ongezeko la Mali	-0.8%	-1.2%

TAARIFA YA MTIRIRIKO WA FEDHA KWA ROBO/MWAKA ULIOISHIA 30 JUNI 2019 (Kiasi kwa shilingi milioni)

	Robo Mwaka ya sasa 30-Jun-19	Robo Mwaka uliyopita 31-Mar-19
I Mtiririko wa Fedha Kutokana na Shughuli za Uendeshaji:		
Mapato/(Hasara) Halisi	(790)	(1,209)
Marekebisho kwa Ajili ya:		
- Hasara Katika Mali	1,560	1,559
- Badiliko Halisi Katika Mikopo	1,463	48,739
- Faida/Hasara Kwenye Mauzo ya Mali	-	-
- Mabadiliko Halisi Katika Amana	(6,807)	(6,183)
- Mabadiliko Halisi Katika Amana za Muda Mfupi Zilizofikiwa	1,801	6,034
- Mabadiliko Halisi Katika Dhima Nyingine	2,522	(1,570)
-Mabadiliko Halisi Katika Mali Nyingine	(923)	(12,096)
- Kodi Iliyolipwa	-	-
- Mengineyo (bainisha)	-	-
Fedha Halisi zilizotolewa (zilizotumika) kwa shughuli za uendeshaji	(1,173)	35,273
II Mtiririko wa Fedha Kutokana na Shughuli za Uwekezaji:		
Gawio Lililopokewa	-	-
Ununuzi wa Mali za Kudumu	(163)	(362)
Mapato Kutokana na Mauzo ya Mali za Kudumu	-	-
Ununuzi wa Amana Zisizoshughulikiwa na Mawakala	-	-
Mapato Kutokana na Mauzo ya Amana Zisizoshughulikiwa na Mawakala	-	-
Mengineyo (bainisha)	-	-
Fedha Halisi Zilizotolewa (zilizotumika) kwa Shughuli za Uwekezaji	(163)	(362)
III Mtiririko wa Fedha Kutokana na Shughuli za Kifedha:		
Ulipaji wa Madeni ya Muda Mrefu	-	-
Mapato Kutokana na Utoaji wa Madeni ya Muda Mrefu	2,738	469
Mapato Kutokana na Utoaji wa Mtaji wa Hisa	-	-
Gawio Lililolipwa kwa Fedha Taslimu	-	-
Mabadiliko Halisi Katika Madeni Mengine	-	-
Mengineyo (bainisha)	-	-
Fedha Halisi Zilizotolewa (zilizotumika) kwa Shughuli za Kifedha	2,738	469
IV Fedha Taslimu na Mali Zinazofanana na Fedha Taslimu:		
Ongezeko / Punguzo Halisi Katika Fedha taslimu na Mali Zinazofanana na Fedha Taslimu	1,401	35,381
Fedha na Mali Zinazofanana na Fedha Taslimu Mwanzoni mwa Robo Mwaka/Mwaka	108,161	72,780
Fedha na Mali Zinazofanana na Fedha Taslimu Mwishoni mwa Robo Mwaka/Mwaka	109,562	108,161

TAARIFA YA MABADILIKO YA MTAJI KWA KIPINDI KINACHOISHIA 31 JUNI 2019

	Mtaji wa Hisa	Malipo juu ya bei ya hisa	Mapato Yaliyobakizwa	Ziada ya Kisheria	Tengo la Ziada ya Jumla	Mengineyo	Jumla
Mwaka wa sasa							
Salio la mwanzo wa mwaka	116,014	-	(67,786)	0	1,284	1,065	50,607
Faida / (Hasara) Hali Baada ya Kodi ya Mapato	-	-	(2,090)	-	-	-	(2,090)
Hisa za upendeleo	-	-	-	-	-	-	-
Mapato mengine yaliyojumuishwa	-	-	-	-	-	-	-
Miamala na wanahisa	-	-	-	-	-	-	-
Gawio Kilipowe	-	-	-	-	-	-	-
Ziada ya Kisheria	-	-	4,633	-	-	-	4,633
Tengo la Ziada ya Jumla	-	-	-	-	-	-	-
Mengineyo	-	-	-	-	-	-	-
Salio la mwisho wa mwaka	116,014	-	(65,213)	0	1,284	1,065	53,150
Mwaka uliopita							
Salio la mwanzo wa mwaka	116,014	-	(69,349)	9,116.58	1,114	1,384	58,282
Faida / (Hasara) Hali Baada ya Kodi ya Mapato	-	-	(7,355)	-	-	-	(7,355)
Hisa za upendeleo	-	-	-	-	-	-	-
Mapato mengine yaliyojumuishwa	-	-	-	-	-	-	-
Miamala na wanahisa	-	-	-	-	-	-	-
Gawio Kilipowe	-	-	-	-	-	-	-
Ziada ya Kisheria	-	-	9,118	(9,118)	-	-	-
Tengo la Ziada ya Jumla	-	-	(170)	-	170	-	-
Mengineyo	-	-	-	-	-	(320)	(320)
Salio la mwisho wa mwaka	116,014	-	(67,786)	0	1,284	1,065	50,607

Ofisa Mtendaji Mkuu: Jina: Sahihi: Tarehe: I. John 26-Jul-19
Mkuu wa Fedha: H. Kandi 26-Jul-19
Mkaguzi Mkuu wa Ndani: J. Kilato 26-Jul-19

Sisi, tuliotajwa hapo chini, wajumbe wa bodi ya wakurugenzi, tunathibitisha usahihi wa taarifa za hapo juu, tunatamka kwamba tumezitathmini taarifa hizi, na kwa ueleva na imani yetu kubwa zimeandaliwa kulingana na Vivango vya Kimataifa vya Uwasilishaji wa Taarifa za Fedha na matakwa ya Sheria ya Benki na Taasisi za Fedha ya mwaka 2006, na zinaonesha hali halisi

1 Mkurugenzi: Jina: Sahihi: Tarehe: Dr J. P. Kipokota 26-Jul-19
2 Mkurugenzi: Mr. R. Dave 26-Jul-19

TAARIFA YA MAPATO NA MATUMIZI KWA ROBO MWAKA INAYOISHIA 30 JUNI 2019 (Kiasi kwa shilingi milioni)

	Robo ya Mwaka sasa 30-Jun-19	Robo ya mwaka Linganishi (Mwaka uliopita 30-Jun-18)	Limbikizo la Mwaka wa sasa 30-Jun-19	Limbikizo la Mwaka Linganishi (Mwaka uliopita 30-Jun-18)
1 Mapato ya Riba	10,765	13,307	21,187	27,291
2 Gharama za Riba	(4,679)	(5,743)	(9,453)	(12,140)
3 Mapato Halisi ya Riba (1kutoa 2)	6,086	7,564	11,734	15,151
4 Madeni Viza Yaliyofutwa/ Yaliorejeshwa	534	-	1,096	-
5 Punguzo/Ongezeko la tengo katika Mikopo	(719)	(5,288)	(1,454)	(6,297)
6 Mapato Yasiyo ya Riba:	1,324	1,319	2,617	2,514
6.1 6.1 Faida/(Hasara) Zilokanazo na Miamala ya Fedha za Kigeni	532	390	999	721
6.2 6.2 Ada na Kamisheni	713	299	1,377	499
6.3 Gawio	-	-	-	-
6.4 Mapato Mengine	79	630	241	1,294
7 Gharama Zisizo za Riba:	(8,014)	(7,919)	(15,992)	(15,264)
7.1 Michahara na Malipo	(2,732)	(2,591)	(5,327)	(5,114)
7.2 Ada na Kamisheni	-	-	-	-
7.3 Gharama Nyingine	(5,222)	(5,328)	(10,665)	(10,150)
8 Faida/(Hasara) ya Uendeshaji	(790)	(4,324)	(1,999)	(3,896)
9 Tengo la Kodi ya Mapato	(45)	81	(91)	(48)
10 Faida/(Hasara) Halisi Baada ya Kodi ya Mapato	(835)	(4,243)	(2,090)	(3,944)
11 Mapato Mengine Yaliyojumuishwa (bainisha)	-	-	-	-
12 Jumla ya Faida (Hasara) Iliyoyumuishwa kwa mwaka	(835)	(4,243)	(2,090)	(3,944)
13 Idadi ya Waajiriwa	160	157	160	157
14 Mapato kwa Hisa	(0.34)	(1.73)	(0.21)	(0.40)
15	-	-	-	-
16 Idadi ya Matawi	7	7	7	7
BAADHI YA VIASHIRO VYA UFANISI				
(i) Uwiano wa Faida Kabla ya Kodi na Wastani wa Mali	-0.53%	-4.50%	-1.32%	-2.09%
(ii) Uwiano wa Faida baada ya Kodi na Wastani wa Fedha za Wanahisa	-3.12%	-24.78%	-7.80%	-11.51%
(iii) Uwiano wa Matumizi Yasiyo ya Riba na Mapato Ghafi	108.15%	89.15%	111.43%	86.40%
(iv) Uwiano wa Mapato Halisi ya Riba na Wastani wa Mali Zinazozalisha	1.76%	3.03%	3.39%	3.03%



TARIFF

Table with columns: SERVICE ACCOUNT, FICILING COST, PFCILING RIB, FICILING COST

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: ACCOUNT OPENING FEE, MONTHLY MAINTENANCE FEE, Monthly Service Fee

Table with columns: SERVICE ACCOUNT, FICILING COST, PFCILING RIB, FICILING COST

Table with columns: SERVICE ACCOUNT, FICILING COST, PFCILING RIB, FICILING COST

Table with columns: SERVICE ACCOUNT, FICILING COST, PFCILING RIB, FICILING COST

Table with columns: SERVICE ACCOUNT, FICILING COST, PFCILING RIB, FICILING COST

Table with columns: SERVICE ACCOUNT, FICILING COST, PFCILING RIB, FICILING COST

Table with columns: SERVICE ACCOUNT, FICILING COST, PFCILING RIB, FICILING COST

Table with columns: SERVICE ACCOUNT, FICILING COST, PFCILING RIB, FICILING COST

Table with columns: SERVICE ACCOUNT, FICILING COST, PFCILING RIB, FICILING COST

21534352

Nipashe

MWANGA WA JAMII

SADC iongeze ari ya usafi Dar

DUNIA ya leo usafi ni jambo linalohitajiwa na kila mtu, aidha pamoja na sababu za kimazingira na kiafya usafi ni njia moja wapo ya kuvutia uwekezaji, watalii na hata mikutano ya kimataifa.

Hili ni muhimu wakati huu Dar es Salaam ikijiandaa na maonyesho na Mkutano wa 39 wa Wakuu wa Jumuiya ya Maendeleo ya Kiuchumi ya Kusini mwa Afrika (SADC).

Wakuu wa nchi na viongozi wa mataifa 16 ya SADC wanakutana hapa nchini na jambo ambalo ni muhimu kuzikumbusha mamlaka za jiji kuwa na Dar safi.

Usimamizi mbovu wa takataka, unaosababisha malundo ya taka pembeni ya barabara, nyingine kujaa ndani ya miferaji na mitaro, uchafuzi wa hali ya hewa unaosababishwa na harafu mbaya ya taka za samaki huko Feri ni mambo ambayo yanaishushia hadhi Dar.

Ni lazima kukumbuka kuwa sababu za kiafya, zinalilazami-sha jiji kuwa safi. Usafi unawaletea watu furaha na amani ya kula, kunywa na kutembea popote kwa sababu hawana hofu ya kupata magonjwa.

Ndiyo maana tunapenda kuwakumbusha 'mababa' wa jiji kuwa jambo la kuzoa taka linaweza kufanyika bila msaada wa wahisani.

Hili linaweza kufanyika kwa kuhakikisha kuwa mazingira tunayoishi kuanzia nyumbani, uwanjani na barabarani tunapotebea ni masafi.

Tunakumbusha usafi kwa sababu tusikitishwa kuona kwamba Watanzania wengi wanashindwa kutupa takataka hata kwenye mapipa ya uchafu.

Ukifika kwenye vituo vya mabasi, hospitalini, shuleni, migahawani na sokoni takataka zipo chini na zinazunguka mapipa ya taka badala ya uchafu kuweka ndani ya vyombo hivyo.

Kwanini tatizo hili limekuwa ni la miaka mingi na halina dawa? Inamaana watu hawafahamu matumizi ya mapipa hayo?

Tatizo hili linakuzwa na ukweli kuwa watu wetu hawajui kuwa ni wajibu wao kuufanya mji ama makazi yao na mazingira yao kuwa safi. Ni lazima maofisa afya wasaidie kubadili mienendo hii.

Usafi ni wa kila kitu na pengine ndiyo njia ya kumfikia Mungu Muumba. Pengine hii inafaa kuwa nukuu inayotumiwa na wazazi, walezi, walimu na kila mmoja ili kudhibiti uchafu miji na mitaani.

Tunaona kuwa wakati umefika kwa mamlaka za jiji kuhimiza usafi wakati huu tunapoelekea kwenye mkutano wa SADC na maonyesho ya kiuchumi yanayotarajiwa kufanyika Dar es Salaam mwezi ujao.

Ikumbukwe kuwa usafi ndiyo njia pekee ya kukifanya kishochojulikana kufahamika.

Mathalani, kuwa na Mlima Kilimanjaro mrefu kuliko yote Afrika ni suala la kujivunia sana lakini kuwa na mji msafi sana wa Moshi watu wanapoingia kwanza kabla ya kuupanda Mlima Kilimanjaro na kitu muhimu cha kuuongezea thamani mlima huo.

Ni lazima kuuweka mji kwenye hali ya usafi kuuongezea thamani ya kile ambacho kipo. Dar kuna fukwe nzuri, bahari ya Hindi, Visiwa vya Mbudya na utamaduni wa aina mbalimbali.

Lakini kama mji ukiwa msafi thamani yake inapanda zaidi na umaarufu wake unaongezeka. Pamoja na amani, utulivu, vivutio vingi na miundombinu ya kisasa bila usafi Dar inakosa heshima.

Usafi huvutia watalii, huleta furaha, burudani na kujiamini. Ndiyo maana tunasema SADC iongeze chachu ya usafi Dar.



Muungwana Lazima Nilonge

Mkakati unaomwepusha mtoto ukatili uanzie ngazi ya familia



Na Yasmine Protace

MIKAKATI ya kumlinda mtoto dhidi ya matukio ya kingono, kuna kila sababu ya jamii kushiriki kutoa ushirikiano.

Kama jamii itatoa ushirikiano kwa vyombo husika juu ya matukio ya kingono, hapana shaka matukio hayo yanaweza kumalizika kirahisi.

Hivi karibuni wadau wa semina za jinsi na maendeleo iliyoandaliwa na asasi ya GNP Mtandao, walizungumzia mikakati ya kumlinda mtoto dhidi ya ukatili uliopo wa kingono.

Kupitia semina hiyo, wadau washiriki walitoa maoni yao namna ya kumlinda mtoto dhidi ya ukatili wa kingono unaoendelea katika jamii.

Pelis Charles, ni kati ya wadau wa GDSS anayesema kuwa, wazazi wanatakiwa kufuatilia mienendo ya watoto watokapo shule na nje ya hapo.

Anasema kuwa wazazi, hata wanapokuwa katika baadhi ya shughuli zao kama mjumuiko wa vikoba, wanapaswa kujadili masuala ya ukatili na kamwe, sio kujadili masuala ya pesa.

Charles, anaongeza kuwa wazazi mara zote wanapaswa kujenga utamaduni wa kuzungumza na watoto wao na kuwaeleza namna ya kujilinda na ukatili wa kingono.

Grace Muhaba ni mwalimu katika shule ya sekondari iliyopo jijini Dar es Salaam, anasema kuwa shuleni kake wanashudia jinsi wanafunzi wanavyolalamika kuhusu ukatili wa kijinsia wanaofanyiwa.

Pia, anaeleza haja ya wazazi kuwachunguza watoto wanaotoka shule, hali kadhalika wasichana waliowaajiri kutumikia majukumu majumbani.

Kwa mujibu wa Grace, sule zilizo nchini zinapaswa kuwa na katuni na vipeperushi vingi vyenye ujumbe wa kukabili matukio ya ngono katika jamii zao.



Grace Muhaba ni mwalimu katika shule ya sekondari iliyopo jijini Dar es Salaam, anasema kuwa shuleni kake wanashudia jinsi wanafunzi wanavyolalamika kuhusu ukatili wa kijinsia wanaofanyiwa.

Kelvin Godwin, ni mwanafunzi wa shule ya sekondari Mabibo, anayewashauri wazazi wawe karibu na watoto na wawe wanawachunguza iwapo wameshafanyiwa ukatili wa kingono.

Lingine analoshauri wazazi kuwa marafiki wa watoto wao, ili waweze kuzungumzia kwa uwazi adha za masuala yanayohusu ngono.

Anna Sangai, ni Ofisa wa Programu, Harakati na Ujenzi wa Nguvu za Pamoja wa TGNP Mtandao, anasema kuwa bila elimu ya kijinsia, itakuwa ngumu kwa wanafunzi wa kike kuyafikia malengo yanayowakabili.

Anaongeza kuwa, katika kumlinda mtoto na matukio hayo, TGNP Mtandao imezindua kampeni ya kuwalinda watoto, ikitoa namna maalumu za kuwasiliana nao. Anna, anashauri wazazi kuwa wanapaswa kutumia majumuiko wa siku ya vikoba, kujadili masuala ya jinsia katika mjumuiko wa vikoba na vyeema wakaishia kuijadili masuala ya pesa, kabla ya kuacha kuzungumzia yanayohusu ukatili wa kingono kwa watoto.

Amina Juma, ni mdau mwingine anayesema kutolewa elimu kutaisaidia jamii kutoa ushirikiano, pale tatizo litakapotokea anasema kuwa, matukio ya kingono yanapotokea, baadhi ya familia zinamalizana na hali hiyo. Hiyo inasababisha aliyefanyiwa jambo hilo kukosa haki yake.

Anasema, mila na desturi mbovu kwa baadhi ya watu imechangia panapotokea matukio hayo wamekuwa pande zote mbili kumalizana.

Wito wake anasema kuwa vipeperushi visambazwe katika shule ambayo vinaonyesha ujumbe unaozungumzia ukatili.

Nipashe hutolewa na kuchapishwa na:

THE GUARDIAN LIMITED

Mhariri Mtendaji: Beatrice Bandawe

Meneja Usambazaji na Masoko: Emmanuel Lyimo, 0716 500500

Mapokezi: 0745 700710

Meneja Matangazo: Kauthar D'souza, 0767 223311

Baruapepe: advertise@guardian.co.tz

Website: www.ippmedia.com

www.epaper.ippmedia.com

HABARI KITAIFA

Simbachawene atoa neno kwa NEMC

Na Enock Charles

WAZIRI wa Nchi Ofisi ya Makamu wa Rais (Muungano na Mazingira), George Simbachawene, aneenea kuridhishwa na utendaji wa Baraza la Taifa la Hifadhi na Usimamizi wa Mazingira (NEMC), na kulitaka kusimamia sheria na taratibu katika kutekeleza majukumu yake ili kufikia malengo ya Taifa.

Akizungumza na waandishi wa habari katika ziara yake ya kwanza alipozungumza na uongozi wa baraza hilo jijini Dar es Salaam jana, Simbachawene alisema mbali ya kuridhishwa

na kazi za baraza, atategemea kupata ushirikiano mkubwa wa baraza hilo.

"Mimi bado mgeni katika wizara hii hivi, hivyo nategemea kujifunza zaidi kutoka kwenu watendaji wa Baraza, hivyo ushirikiano wenu kwangu ndio utaniwezesha kuelewa kwa haraka mambo yote yanayofanywa na baraza hili ili twende sambamba katika utekelezaji wa majukumu," Simbachawene alisema.

Waziri huyo aliyeambatana na Naibu Waziri Waziri wa wizara hiyo, Musa Sima, alisema matumaini yake kwa baraza ni makubwa kutokana na hali na

utayari wa watendaji wake katika kutekeleza majukumu yao na kuifanya nchi kubaki katika hali ya mazingira salama na endelevu.

Alisema jukumu la kutunza mazingira ni la kila Mtanzania, hivyo ni muhimu kuendelea kutoa elimu na kuhamasisha wananchi umuhimu wa mazingira na athari zake endapo tahadhari hazitachukuliwa.

Mkurugenzi Mkuu wa NEMC, Dk. Samuel Gwamaka, mbali ya kumpongeza kwa kuteuliwa kwake, alimshukuru pia kufanya ziara NEMC na kuahidi kumpa ushirikiano ili aweze kufikia malengo aliyojiweka.

"Changamoto kubwa inayolikabali baraza ni pamoja na upungufu wa wafanyakazi hali inayochangia ucheleweshaji wa baadhi ya kazi kutokana na mtu mmoja kukabidhiwa miradi mingi ambayo ndani ya muda mfupi inahitajika yote ikamilishwe, hii ndio sababu ya lawama kutoka kwa wawekezaji," Dk. Gwamaka alisema.

Ziara ya Waziri Simbachawene NEMC ni ya kwanza tangu ateuiliwe na Rais John Magufuli Jumamosi iliyopita kushika nafasi hiyo iliyokuwa ikishikiliwa na Mbunge wa Bumbuli, January Makamba, ambaye uteuzi wake ulitenguliwa.

Walimu walazimika kuchana khanga kuwahifadhi wanafunzi wa kike hedhi

Na Lilian Lugakingira, MULEBA

WALIMU wa kike wa Shule ya Msingi Kagondo "B" yenye watoto wenye mahitaji maalum, wilayani Muleba mkoani Kagera, wanalazimika kuchana khanga na vitenge vyao ili kuwapatia vitambaa vya kujihifadhi wanafunzi wa kike wenye ulemavu wanapoingia kwenye hedhi.

Akizungumza wakati wa kupokea viti maalum saba (wheel chairs) kwa ajili ya wanafunzi wenye ulemavu vilivyotolewa na Shirika la World Vision Tanzania, mradi wa Izigo, Mwalimu Mkuu wa shule hiyo, Ester Rwamtoga, alidai wazazi wa watoto hao wanapowafikisha shuleni, hawajishughulishi na suala lolote kuhusu watoto wao.

"Tunalazimika kuchana khanga zetu na vitenge ili kuwapatia vipande watoto wa kike wenye ulemavu, na kisha tunawaelekeza wakishavitumia wavifue wavitunze kwa ajili ya kuvitumia wakati mwingine," alisema mwalimu huyo.

Mwalimu Rwamtoga alisema watoto wenye ulemavu wanaanza shule wakiwa na umri mkubwa ndiyo maana wanakuwapo wanafunzi wengi wanaoingia hedhi kabla ya kuhitimu darasa la saba.

Alisema wakati mwingine analazimika kutoa fedha kidogo kutoka katika ruzuku inayotolewa kwa shule hiyo ili kuwanunulia watoto hao khanga na kuwachana kwa ajili ya kujihifadhi.

Kutokana na tatizo hilo wamemshirikisha Diwani wa Kata Muhutwe, Justus Magongo, ili awasaidie kupata taalo za kike kwa ajili ya watoto hao.

"Lakini pia hatuna chumba maalum kwa ajili ya faragha ya wanafunzi hawa, ingawa sasa kuna sehemu tumetenga ndiyo wanaitumia kubadilishia, tunaomba kujengewa bweni kwa ajili ya watoto hawa ambalo inabidi kuwa na chumba maalum cha watoto wa kike kubadilishia vitambaa," alisema.

Mmoja wa wanafunzi wenye ulemavu wa viungo anayesoma darasa la tatu, Sarah Damasani (18), akizungumza na Nipashe aliomba serikali na wadau kuwajengea bweni karibu na shule ili kuwaondolea adha ya kufuata huduma hiyo mbali na shule.

"Tunapolala ni pafinyu, lakini pia jengo liko mbali kidogo na shule, tunapata shida kutembea kutoka huko kuja madarasani, tunaomba kujengewa bweni karibu na shule ili kutupunguzia usumbufu, maana wakati mwingine tunalazimika kubebwa na wanafunzi wenzetu wasio na ulemavu kutuleta madarasani," alisema.



Waziri Mkuu, Kassim Majaliwa, akiangalia mkaa wa mawe, uliyotengenezwa kwa ajili ya matumizi ya nyumbani na wajasiriamali wa kikundi cha Mbala-wala Women Group, wakati akikagua mabanda kwenye maonyesho ya viwanda na kongamano la uwekezaji mkoani Ruvuma jana. Kulia ni Meneja wa Fedha wa kikundi hicho, Esta Silas na Msimamizi wa Mradi, Hajra Yakub. **PICHA: OFISI YA WAZIRI MKUU**

Uingereza yasaidia ujenzi madarasa nchini bil. 18/-

Na Halima Ikunji, TABORA

SERIKALI ya Uingereza imegharamia ujenzi wa madarasa zaidi ya 700 za shule za msingi katika mikoa tisa ya Tanzania Bara kwa gharama ya zaidi ya Sh. bilioni 18.

Madarasa hayo mapya yameongezwa nafasi za masomo kwa zaidi ya watoto 10,000 na pia ujenzi huo umehusisha vyoo zaidi ya 1,300.

Kauli hiyo ilitolewa jana na Mkuu wa Wizara ya Maendeleo ya Kimataifa ya Uingereza (DFID) nchini, Beth Arthy, katika uzinduzi wa kituo cha mafunzo ya awali cha Malole katika Hal-mashauri ya Nzega, mkoani Tabora.

Mgeni rasmi katika uzinduzi huo alikuwa ni Waziri Nchi, Ofisi

ya Rais, Tawala za Mikoa na Serikali za Mitaa (Tamisemi), Selemani Jafo, aliyefuatana na Kaimu Katibu Mkuu wa wizara hiyo, Tixion Nzunda.

Arthy alisema Malole ni moja ya vituo shikizi vilivyofadhiliwa na Serikali ya Uingereza pamoja na nguvu za wananchi.

Alisema ufadhili wa Serikali ya Uingereza ulipitia katika mradi wa EQUIP-T, ambao pamoja na ujenzi huo wa madarasa na vyoo, mradi huo pia umetoa mafunzo kazini kwa zaidi ya walimu 50,000, walimu wakuu 5,000 na waratibu elimu kata 1,300.

Alisema Mkoa wa Tabora kupitia mradi wa EQUIP-T umejenga madarasa 95, vyoo 176 na ofisi za walimu 32. Pia mradi umetoa mafunzo kwa wakuu wa shule 773 na waratibu elimu

kata 206 katika Mkoa wa Tabora na kugharimu zaidi ya Sh. bilioni mbili. "Serikali ya Uingereza inajivunia kuwa mfadhili mkubwa katika sekta ya elimu nchini Tanzania," alisema Beth.

Vile vile, alisema Serikali ya Uingereza imetenga zaidi ya Sh. bilioni 600 ili kugharamia utoaji wa elimu bora ya msingi kwa watoto wa kitanzania.

Pia, aliupongeza Mkoa wa Tabora kwa kuongeza kiwango vya ufaulu katika shule za msingi kutoka asilimia 37 mwaka 2013 hadi asilimia 73 mwaka 2018.

Alisema Serikali ya Uingereza imetenga fedha za kiasi cha Sh. bilioni 600 kwa ajili ya sekta ya elimu kupitia mpango wa EQUIP-T, mradi wa malipo kwa matokeo makubwa (EP4R) na mradi wa elimu kwa watoto wa

kike (GEC) na mradi wa GPE (Global Partnership in Education).

Mradi wa EQUIP-T ambao unafadhiliwa na serikali hiyo toka mwaka 2013 na utafika kikomo mwaka 2019.

Mradi huu unaunga mkono juhudi za Serikali ya Tanzania katika kuinua ubora wa elimu ya msingi nchini na kuongeza ufaulu wa watoto wa kike kutoka shule za msingi kwenda shule za sekondari ikiwa ni pamoja na kuinua viwango vya kujifunza, stadi za kusoma, kuhesabu na kuandika (KKK).

Programu hiyo ipo katika mikoa tisa ya Tanzania Bara iliyokuwa na ufaulu mdogo mwaka 2013 ni Kigoma, Katavi, Tabora, Simiyu, Shinyanga, Singida, Mara, Dodoma na Lindi.

Ushahidi wa video kesi ya kina Mbowe watinga kortini

INATOKA UK. 3

gari la jeshi hilo kunusuru kamera yake ya video.

Aidha, alidai mihemko hiyo ilisababishwa na hamasa aliyotoa Mbowe kutoa kauli ya kuwapandikiza chuki wafuasi hao dhidi ya serikali.

Jopo la Jamhuri liliongozwa na Mwakili wa Serikali Wakuu, Faraja Nchimbi, Paul Kadushi, Dk. Zainabu Mango, Mwakili wa Serikali Jaqueline Nyantori, Wankyo Simon na Salimu Msemu.

Akiongozwa na Wakili Kadushi, shahidi alidai Februari 16, 2018 alipangiwa kazi kama mwandishi wa habari kufanya

kavereji ya mkutano wa kufunga kampeni wa Chadema katika viwanja vya Buibui Kinondoni, jijini Dar es Salaam.

Alidai kuwa alijiandaa na vitendea kazi vyake ikiwamo kamera ya kupiga picha za video, ilipofika saa 10 alifika katika viwanja hivyo kwa ajili ya kuanza kazi.

"Nilipofika watu walianza kukusanyika na mshereheshaji alitangaza kwamba viongozi wakuu wa chama wameshafika, baada ya muda wabunge na viongozi wakuu walipanda jukwaani nilimsikia Mbowe akitoa kauli za kufanya hamasa ya kuichukua serikali," alidai na kuongeza:

"Wanachama walipata hamasa na mihemko iliyosababisha wapate jazba ya kuichukua serikali na vyombo vya ulinzi na usalama, wananchi waliokuwa wamekaa walinyanyuka na kuhamasika, mimi na waandishi wenzangu tulitawanyika pale tuposimama karibu na jukwaa, nilikimbilia kwenye gara la polisi kunusuru kamera."

Jopo la utetezi liliongozwa na Wakili Profesa Abdallah Safari, Peter Kibatata, John Mallya na Hekima Mwasipu.

Mbali ya Mbowe, washtakiwa wengine ni Mbunge wa Bunda, Ester Bulaya, Mbunge wa Tarime Mjini Esther Matiko, Katibu Mkuu Taifa, Dk. Vincent

Mashinji, Mbunge wa Iringa Mjini, Msigwa, Naibu Katibu Mkuu Taifa, Zanzibar, Mwalimu, Mbunge wa Kibamba, John Mnyika, Mbunge wa Kawe, Halima Mdee na Mbunge wa Tarime Vijijini, John Heche.

Katika kesi ya msingi, washtakiwa hao wanadaiwa kati ya Februari Mosi na Februari 16, mwaka huu, Mbowe na wenzake wakiwa Kinondoni, Dar es Salaam walikula njama na wengine ambao hawapo mahakamani ya kutenda kosa la jinai ikiwamo kuendelea na mkusanyiko isivyo halali na kusababisha chuki na uchochezi wa uasi.

JKCI yatibu moyo bila upasuaji

INATOKA UK. 3

Vile vile, alisema kuendelea kuwapa kwa teknolojia mpya za kutoa matibabu katika taasisi hiyo, kunapunguza idadi ya wagonjwa wanaokwenda nje ya nchi ambayo sasa imefika asilimia 14 wakati asilimia 86 wakipatiwa matibabu nchini.

Kuhusu msaada huo, alimshukuru Makonda kwa kuendelea kuwezesha matibabu ya watoto wasio na uwezo na kuwa mwezi huu wamewafanyia upasuaji watoto 20.

Watoto wengine 17 wanatarajiwa kufanyiwa upasuaji katika msaada uliotolewa na mkuu huyo wa mkoa kwa kushirikiana na wadau mbalimbali ikiwamo familia ya Mbunge wa Kibaha Vijijini, Silvestry Koka, iliyotoa Sh. milioni 10 na baadhi ya washereheshaji waliotoa mchango wa fedha.

"Tunashukuru kwa msaada huu, kwa kuendelea kusaidia watoto wasio na uwezo walio katika taasisi yetu. Kupitia msaada huu tutaweza kutoa matibabu kwa watoto 17 kati ya 20 ambao tumepanga kuwafanyia upasuaji hivyo taasisi itatafuta msaada wa watoto wengine watatu waliobaki," Prof. Janabi alisema.

Kwa upande wake Makonda, aliwasihia Watanzania na watu wenye mapenzi mema kujitokeza kusaidia watoto hao ili ya kuokoa maisha yao.

Alisema tayari ameahidi kusaidia watoto 60 katika taasisi hiyo kuzia Julai, mwaka huu hadi Desemba na atahakikisha anatembea lengo hilo kwa kushirikiana na wadau mbalimbali.

"Jukumu langu ni wananchi ninao waongoza na furaha yangu ni wale ninao waongoza na utu unathamani kubwa, nimejitolea kuhakikisha nawasaidia watoto hawa ambao wanatoka mikoa mbalimbali nchini kupata matibabu ya moyo," alisema.



Zoezi la kusajili taasisi chini ya Sheria ya Mashirika yasiyo ya Kiserikali Na. 24 ya mwaka 2002, kama ilivyofanyiwa marekebisha na Sheria Na. 3/2019, ambayo awali yalisajiliwa chini ya sheria nyingine, likiendelea kwa Kanda ya Kati kwenye ukumbi wa Mwalimu J.K. Nyerere wa Chuo cha Mipango Dodoma, jana. **PICHA: WAMJW**

PM atangaza fursa za uwekezaji Ruvuma

Na Beatrice Moses

WAZIRI Mkuu, Kassim Majaliwa, amehamasisha wawekezaji kuwekeza mkoani Ruvuma akibainisha kuwa ni kitovu cha uwekezaji kutokana na kuwa na fursa nyingi na miundombinu ya uhakika.

Aliyasema hayo jana, alipokuwa akizindua kongamano la uwekezaji katika viwanda na biashara, lililofanyika kwenye Viwanja vya Majimaji mjini Songea Mkoa wa Ruvuma.

"Mkoa wa Ruvuma una ardhi yenye rutuba, upo kwenye G7 ya mikoa inayozalisha vyakula, pia una uhakika wa umeme, awali wa-

likuwa wanatumia jenereta sasa yamebaki kama makumbusho.

Alisema hali imebadilika katika mkoa huo ambao awali uliyumbayumba kutokana na kukosa barabara za uhakika, hivyo usafiri ulikuwa wa shida.

Alisema sasa Uwanja wa Ndege wa Songea unaendelea kutokana na serikali kutenga Sh. bilioni 37 na kufanikisha hilo.

Waziri Mkuu alibainisha kuwa serikali imeamua kuwekeza kwenye miundombinu ya barabara, bandari na kwamba uwekezaji hapo hauna shida ya malighafi zitaondoka kwa reli hatua ambayo inafanikisha mkoa huo kufunguka

kibiashara.

"Serikali imeamua kuwekeza katika mkoa wa Ruvuma katika fursa mbalimbali za kijamii na kiuchumi.

Tumejipanga kwa uwezeshaji na uwekezaji wakati ni huu wa kufanya maamuzi ya kuwekeza wakati ni huu wa kuwa na mtaji, uwezeshaji unaopigiwa debe," Waziri Mkuu alisema.

Vile vile, alisema umeme umeunganishwa Makambako kwenye gridi kubwa ambayo itaunganishwa na Mtwara, Lindi na Mbeya, ambao utasaidia kuendesha mitambo yoyote ya wawekezaji ili kuwawezesha kuzalisha bidhaa

zao kwa uhakika.

KITUO CHA UWEKEZAJI

Alisema Aprili mwaka huu kipitia kitengo cha uwekezaji wamefungua ofisi ambayo kila mkoa kuwa na Ofisa wa TIC ili awe anaunganisha na kituo cha kanda.

Alisema manisipaa kama kitovu cha uwekezaji imetenga maeneo ikiwamo ya mjini kwa shughuli mbalimbali za kilimo na biashara za kawaida.

Tunduru, Namtumbo madini aina ya ulanium yanapatikana hapo na mazao mengine ikiwamo alizeti. Madaba, kunalimwa

tangawizi na mahindi kwa wingi, Mbiga, maarufu kwa uzalishaji wa kahawa.

"Bambabey tunahitaji hoteli za nyota tano, nenda kajenge watalii wapo, unaweza kuwekeza kwa kuweka boti za mwendo kasi kwa kutumia ziwa nyasa, pia tunapata madini mengi," alisema.

Awali Mkuu wa Mkoa wa Ruvuma, Christina Mndeme, alisema mkoa wake una fursa mbalimbali ikiwamo uchimbaji wa madini, makaa ya mawe, samaki wa mpambo ambao ni kivutio kikubwa kwa watalii, pia kuna michoro ya miamba na utamaduni.

HABARI KITAIFA

Vyuo vikuu afya vyajadili kuanzisha mtaala linganifu

Na Mary Geoffrey

KATIKA kuboresha sekta ya afya nchini vyuo vikuu vitatu vinavyotoa mafunzo ya afya nchini, vimewakutanisha wadau kwa ajili ya kujadili na kutoa mapendekezo ya kunda mtaala linganifu itakayowezesha vyuo vyote kuzalisha wahitimu wenyewe viwango sawa.

Tume ya Vyuo Vikuu (TCU) haina mtaala wa pamoja wa vyuo vya afya nchini hali inayosababisha kila chuo kuwa na mtaala wake, hivyo Chuo Kikuu cha Afya na Sayansi Shirikishi (Muhas), Chuo cha Sayansi ya Afya na Tiba cha Bugando (Cuhas) na Chuo Kikuu cha Afya (KCMC), waliungana kwa pamoja kuandaa

mtaala wa pamoja utaowezesha wahitimu bora.

Naibu Makamu Mkuu wa Chuo, Taaluma, Utafiti na Ushauri wa Muhas, Prof. Apolinary Kamuhabwa, akizungumza katika mkutano huo, alisema umewakutanisha wadau wakiwamo vyama vya wanafunzi, wawakilishi wa vyuo vya afya, walimu na TCU kwa lengo la kujadili kwa pamoja na kutoa mapendekezo ya mtaala huo. "Huu ni mwendelezo wa juhudi za taasisi za elimu ya juu katika kuboresha mtaala huo maana hatuna mtaala wa pamoja unaongoza vyuo vya afya vya umma na binafsi ili kutoa wanafunzi wenye taaluma linganifu.

"Tunabadilisha mtaala kwa

sababu ya kuwapo kwa magonjwa mapya na kukua kwa teknolojia ili jamii ipate huduma bora kutoka kwa wataalamu wanaotoka katika vyuo vyetu wakiwa na elimu inayokidhi mahitaji," Prof. Kamuhabwa alisema.

Alisema katika vyuo nane vina vyotoa elimu ya afya nchini vinatofautiana mtaala hali inayosababisha wahitimu kuwa na viwango tofauti vya utendaji lakini wakimaliza masomo wanaenda kuhudumia wagonjwa kwa pamoja.

Alisema katika kuandaa mtaala huo wanaangalia vitu muhimu ambavyo daktari anapaswa kupipata akiwa masomoni ili mtaala utakopamilika usaidie kupatikana kwa

wataalamu wenye vigezo sawa na watakaotoa huduma linganifu.

Naye Mkurugenzi wa Wataalamu wa Wizara ya Afya, Maendeleo ya Jamii, Jinsia, Wazee na Watoto, Dk. Saitore Laizer, alisema mradi huo utasaidia kupunguza changamoto za sekta ya afya.

Mkurugenzi wa Ithibati wa TCU, Dk. Telamu Kassile, alisema kuwapo kwa mtaala huo utasaidia kuzalisha wahitimu bora watakaoweza kuhudumia sekta ya afya kikamilifu.

Uzinduzi wa mradi huo wa miaka mitano uliofadhiliwa na Serikali ya Marekani kupitia Shirika la JHI-EPIGO kwa Dola za Marekani milioni tatu, ulizinduliwa Februari 19 mwaka huu jijini Dar es Salaam.

Onyo kali kwa wanunuzi pamba

Na Happy Severine, BARIADI

SERIKALI imetoa onyo kali kwa wanunuzi wa pamba nchini, kwa kushindwa kutekekeza makubaliano ambayo waliwekeana na serikali kuhakikisha wananunua pamba yote ambayo bado ipo kwenye maghala.

Kauli ya serikali imekuja baada ya kuendelea kuwapo kwa pamba nyingi kwenye maghala hayo, wakati serikali iliwadhamini wanunuzi wote kuchukua fedha benki na kuanza kununua pamba.

Onyo hilo lilitolewa na Naibu Waziri wa Kilimo, Omary Mgumba, baada ya kutembelea na kujionea pamba ikiwa imehifadhiwa nje ya ghala katika chama cha msingi cha ushirika (Amcos) Zuya Mtaa wa Nyakabindi Halmashauri ya Mji Bariadi.

Mgumba alisema wanunuzi wa pamba walikubaliana na serikali wadhaminiwe ili kukopeshwa na benki, jambo ambalo lilifanyika, lakini anashangaa kwa nini mpaka leo wameshindwa kununua pamba.

Alisema serikali ilichukua dhamana hiyo kwa ajili ya kuwasaidia wakulima wa pamba na fedha ambazo wanunuzi walikopeshwa na benki zinatakiwa kutumika kwa ajili ya kununua pamba tu.

"Nimewasiliana na benki zote zimewakopesha wanunuzi pesa kwa ajili ya kuja kununua pamba, lakini mpaka leo hawajaanza, ni watake wanunuzi wazingatie makubaliano yao na serikali," alisema Mgumba.



Mafundi wa Kampuni ya Estim, wakiendelea na kazi ya awamu ya upanuzi wa Barabara ya Morogoro, katika eneo la Mbezi Mwisho, jijini Dar es Salaam jana, itakayojengwa kwa njia sita kuanzia Kimara hadi Kibaha mkoani Pwani yenye urefu wa kilomita 19. **PICHA: MIRAJI MSALA**

Wamiliki wa kumbi za starehe wafunguka mazito kwa NEMC

Na Enock Charles

BARAZA la Taifa la Hifadhi na Usimamizi wa Mazingira (NEMC) limewataka wamiliki wa kumbi za starehe, sherehe, disko vilabu vya pombe na baa kuweka vifaa vya kupima na kufuatilia sauti, huku nao wakifunguka mazito.

Lengo ni kuhakikisha sauti zinazotoka katika maeneo hayo hazizi kiwango kilichoruhusiwa na kanuni za mwaka 2015 za viwango vya udhibiti wa uchafuzi wa kelele na mitetemo.

Akizungumza jijini Dar es Salaam juzi, Mkurugenzi Mkuu wa NEMC, Dk. Samuel Gwamaka, alisema baraza limekuwa likipokea malalamiko mengi kutoka kwa wananchi kuhusu kero na usumbufu mkubwa wanaoupata kutokana na kelele zinazotoka katika kumbi za starehe, disko, vilabu vya pombe

na baa.

"Kila mtu anayeishi Tanzania ana haki ya kuwa na mazingira safi na salama ya kiafya, hivyo ni wajibu wa mmiliki wa mashine, kiwanda, mtambo, baa na kumbi za starehe kutumia njia yoyote iwezekanayo kuthibiti kelele zinazotoka katika eneo lake," Dk. Gwamaka alisema.

Akizungumzia kiwango cha kelele kinachoruhusiwa, alisema kiwango cha juu cha kelele kinachoruhusiwa kwa maeneo ya kumbi za starehe ni dBA60 mchana katika eneo la makazi na dBA40 usiku na katika eneo la biashara ni dBA75 mchana na dBA 50 usiku, katika eneo la viwanda ni dBA 85 mchana na dBA 65 usiku.

Kiwango cha juu cha kelele cha kutangaza kwa kipaza sauti katika eneo la makazi ni dBA 60 mchana na dBA 40 usiku, eneo la biashara ni dBA 75 mchana na 50 usiku na

katika eneo la viwanda ni dBA85 mchana na 65usiku.

Mwenyekiti wa Umoja wa Wamiliki wa Kumbi za Baa na Burudani Tanzania (Ubakuta), aliyejitambulisha kwa jina la Mponjoli, alisema kiwango cha umbali wa sauti katika kumbi za starehe kilichowekwa katika kanuni ni kidogo sana, hivyo kuathiri bendi za muziki nchini na kushauri kiwango hicho kiongezwe.

"Changamoto tulionayo sisi wamiliki wa baa na kumbi za starehe ni mahusiano na watu kwa sababu ikipiga kelele kidogo hata ambae hajui sheria analalamika kelele, anayejiua sheria anaenda kushtaki, asilimia kubwa ya wamiliki wa baa tunalalamikiwa, tunatamani wangeongeze huo umbali angalau zifike 85 hizo 60 ni kidogo sana," alisema.

Mmiliki wa baa inayojulikana kama Mikasa Lounge ya Tabata,

Dar es Salaam, Allan Hemed, alisema kanuni zilizowekwa zinaweza kutumiwa vibaya na wenyevidi wa Serikali za Mitaa kwa kuzitumia kama njia za kujipatia kipato kutoka kwa wamiliki wa kumbi za baa na starehe.

"Kuna changamoto ya kimahusiano kati ya wenyevidi wa serikali za mitaa, madiwani na viongozi wengine ambao kwa namna moja naona wamepewa nguvu kubwa sana ambayo naamini kuwa itatumiza sisi kiasi kwamba NEMC ilitakiwa wajipe muda wa kupata maoni ya wadau," Allan alisema.

Akijibu hoja za wadau hao, Dk. Gwamaka, alisema baraza hilo halina nia ya kuwakwamisha wafanyabiashara hao kwa kuwa ni walipakodi na kuongeza kuwa lengo ni kuhakikisha kuna kuwa na maelewano baina ya wamiliki wa kumbi za starehe na baa pamoja na watumiaji wengine wa mazingira.

Wilaya ya Ikungi yapata DC mpya

Na Mwandishi Wetu

RAIS John Magufuli amemteua Edward Mpogolo kuwa Mkuu wa Wilaya ya Ikungi, mkoani Singida.

Kwa mujibu wa taarifa ya Kurugenzi ya Mawasiliano ya Rais Ikulu, uteuzi huu ulianza juzi.

Taarifa hiyo ilieleza kuwa Mpogolo anachukua nafasi ya Miraji Mtaturu ambaye amechaguliwa kuwa Mbunge wa Jimbo la Singida Mashariki.

Kabla ya uteuzi huo, Mpogolo alikuwa Katibu Tawala wa Wilaya ya Dodoma. Nafasi ya Katibu Tawala wa Wilaya ya Dodoma itajazwa baadaye.

Waziri aipa majukumu Bodi Mfuko Barabara

Na Nebart Msokwa, MBEYA

WAZIRI wa Ujenzi, Uchukuzi na Mawasiliano, Isack Kamwelwe, ameivunja Bodi ya Mfuko wa Barabara nchini na kuunda mpya, ambayo itaendesha mfuko huo kwa miaka mitatu ijayo.

Waziri Kamwelwe alifanya uamuzi huo juzi kutokana na kumaliza muda wake. Kwa mujibu wa sheria, wajumbe wa bodi hiyo wanatakiwa kukaa madarakani kwa miaka mitatu na wanaweza kuongezwa kipindi kingine cha miaka mitatu na baada ya hapo wanafikia kikomo.

Baada ya kuunda bodi mpya, Kamwelwe aliagiza kuhakikisha inasimamia vizuri mfuko huo ikiwamo kuhakikisha miradi yote inayotekelezwa inakuwa na thamani halisi ya fedha zinazotolewa.

Alisema barabara nyingi nchini zinakabiliwa na changamoto ya uharibifu wa miundombinu yake ikiwamo wizi wa alama za barabarani, umwagaji wa mafuta ambayo yana sababisha ajali na kupitisha mizigo mizito kuzidi uwezo wa barabara.

Aliitaka bodi hiyo kuhakikisha inasimamia vizuri mfuko huo kwa kuhakikisha watu wote wanaoharibu miundombinu ya barabara wanashughulikiwa kama wahujumu uchumi wengine.

“Lakini mbali na hayo naiagiza bodi mpya kazi yenu ya kwanza kwa kushirikiana na Katibu Mkuu wa Wizara ya Ujenzi ni kuhakikisha mnaijenga barabara ya mchepuko yenye urefu wa kilomita 40 kutoka Uyole mpaka Songwe kwa kiwango cha changarawe ili malori yapite huko na tupunguze ajali,” alisema Kamwelwe. Aidha, aliitaka bodi hiyo kuanza kutekeleza mradi huo katika mwaka wa fedha 2019/2020 na ndani ya mwezi mmoja kuanzia sasa impatie taarifa ya utekelezaji wake.

Katika hatua nyingine, Waziri Kamwelwe alitoa siku 14 kwa Wakala wa Barabara (Tanroads) na Katibu Mkuu wa Wizara ya Ujenzi kuwalipa fidia wananchi wa Mji wa Kasumulu wilayani Kyela wanaotakiwa kupisha mradi wa ujenzi wa kituo cha pamoja cha forodha kati ya Tanzania na Malawi.

Alisema Rais John Magufuli aliagiza wananchi hao walipwe tangu Mei mwaka huu, lakini anashangaa mpaka sasa hawajalipwa licha ya fedha za kuwalipa kuwa tayari zimeshaingizwa kwenye mfuko wa Tanroads.

“Nilitaka niwape siku tatu kuwalipa wananchi hao, lakini kwa sababu ni masuala yanayohusu fedha nawapa mpaka kufikia Agosti 10 muwe mmewalipa wote na atakayekwamisha tutaonana,” alisisitiza Mhandisi Kamwelwe.

Katibu Mkuu wa Wizara ya Ujenzi, Uchukuzi na Mawasiliano anayeshughulikia ujenzi, Elius Mwakalinga, alisema ameshawatembelea wananchi hao na kuwapa matumaini ya kulipwa fidia hizo.

Homa ya ini tishio kwa Kigoma

Na Romana Mallya

KATI ya watu 6,858 waliopimwa afya kuangalia ugonjwa wa homa ya ini mkoa wa Kigoma kuanzia mwezi Desemba hadi Julai mwaka huu, waliobainika ni 235.

Mganga Mkuu wa Mkoa wa Kigoma, Paul Chaote, akizun-

guma na moja ya mtandao wa kijamii alisema zipo juhudi ambazo zimefanywa na serikali ikiwa ni pamoja na utolewaji wa chanzo za bure kwa watoto ili kuwakinga.

“Upo utaratibu wa utoaji wa chanzo kwa watu wazima ambao unatolewa kwa uchangiaji wa Sh. 40,000. Elimu inatolewa kwa jamii, watu wazima wanatakiwa

kuhakikisha wanapata chanzo na kuepuka kupata maambukizi ya homa ya ini,” alisema.

Alisema kwa mujibu wa takwimu za mwaka jana, wateja 5467 waliowapima wakati wakichangia damu kati yao, 374 walionekana kuwa na TCB ikiwa ni asilimia 6.8 na TCC ilikuwa ni asilimia moja.

Alisema ikilinganishwa na

idadi ya waliopimwa Ukimwi ni asilimia 1.6 waliokutwa navyo.

“Hapo unaweza kuona maambukizi ya homa ya ini ni makubwa kuliko yanayotokana na ugonjwa wa Ukimwi kwa idadi hiyo waliyopima watu,” alisema.

Alisema watu hao 6,858 waliopimwa, 235 walikutwa na TCB na 80 walikuwa na TCC.



Kamanda wa Kikosi cha Usalama Barabarani, Fortunatus Musilimu, akizunguma na waandishi wa habari, jijini Dar es Salaam juzi, wakati wa mkutano kuhusu miundombinu ya usafirishaji salama.

PICHA: GETRUDE MPEZYA

'Fursa zilizopo baharini ni mabilioni ya fedha'

Na Beatrice Moses

CHAMA cha mabaharia nchini kimebainisha fursa za kiuchumi zilizopo kwenye sekta ya bahari ambazo serikali ikisimamia na kuwezesha utekelezaji wake itavuna mabilioni ya fedha, hivyo kuinua kiwango cha uchumi.

Wamebainisha kwenye sekta ya bahari kuna ajira za nchi kavu na baharini, ambapo ni pamoja na zile zinazohusiana na meli katika bahari kuu na ajira kwenye meli za wavuvi.

Kaimu Katibu Mkuu wa chama hicho, Josiah Mwakibuja, aliyasema hayo wakati akisoma risala kwenye uzinduzi wa Siku ya Bahari ya Afrika, jijini Dar es Salaam.

Akizunguma mbele ya mgeni rasmi Naibu Waziri wa Ujenzi, Uchukuzi na Mawasiliano, Elias Kwandikwa, alisema serikali ikichukua hatua za makusudi za kuwapatia mabaharia wake ajira za uvuvi katika bahari kuu jambo ambalo nchi zingine zinafanya ikiwamo Ufilipino na Indonesia.

“Kuweka mkakati wa ajira

kwa mabaharia katika meli za kimataifa nchi yetu itapata mapato makubwa, iwapo itakubaliana na kampuni ya MSC na PIL kuajiri mabaharia wetu 20,000 cheo cha AB(Able Seamen) kwa mshahara wa dola 900 mara 20,000 itafanikiwa kupata Sh. bilioni 479,088,000,000,” Mwakibuja alisema.

Alisema pia katika uvuvi wa samaki kwenye habari kuu unaweza kuzalisha viwanda vya kuchakata samaki ikiwamo aina ya Tuna ambao kilo moja inauzwa kwa Dola za Marekani 60.

“Kama meli inaweza kuwa na tani 3,000 ni sawa na kilo milioni 3 ambayo ukifanya 3,000,000 mara 60 ni sawa na dola 180,000,000 ambayo ni meli moja tu, fedha hiyo ikibadilishwa inakuwa sawa na shilingi 399,240,000,000,” Mwakibuja alibainisha.

Alisema bahari na mazingira yake yanatoa huduma nzuri kwa mazingira katika Afrika, wakati ambapo Waafrika wengi wanishi katika hali ya umaskini uliokithiri.

Alibainisha fursa zinazoto-

kana na bahari kwa Waafrika wengi ni na chakula na kipato, kuimarisha hali ya mazingira kwa kunyonya hewa chafu ya CO2 kutoka angani.

“Vyote hivi katika umoja wake utunyima fursa sisi Tanzania kama nchi maskini tujilize nchi kama ya Ushelisheli haina madini, ardhi ya kilimo, misitu,” Mwakibuja alisema.

Alisema Tanzania inahitaji kujifunza jinsi ya kutumia fursa za kiuchumi zilizopo baharini kutoka katika nchi hiyo ambayo inapakana kwenye bahari na Tanzania.

“Fursa za bahari wanazitua ipasavyo tofauti na sisi tunaziangalia tu pale wanapokosa nguvu kazi wanahitaji watu kutoka nje ikiwamo kutoka Kenya, wana viwanda vya minofu ya samaki.

Naibu Waziri Kwandikwa alisema serikali ipo kwenye juhudi za kuinua uchumi kwa kufanya mambo mbalimbali ikiwamo kupanua Bandari ya Dar es Salaam.

Alisema serikali inashiriki kikamilifu katika kuhakikisha changamoto zinageuzwa kuwa fursa ili kuwezesha mafanikio

kupatikana katika sekta ya bahari.

“Chuo kinazalisha mabaharia, tunaendelea kuunda meli kwa kasi kubwa hivyo tunatarajiwa kuwatumia vyema wataalamu wetu tuliowazalisha kwenye chuo hiki cha bandari,” Kwandikwa alisema.

Alisema katika maadhimisho hayo kutakuwa na kongamano la kujadili mawasilisho kutoka kwa wataalamu wa sekta ya bahari, ulinzi, usalama, uchumi, ustawi wa jamii na uchafunzi na utuzwaji wa mazingira katika bahari Afrika. Mrejesho wa huduma zinazotolewa na taasisi zinazohusiana sekta ya bahari.

Mkurugenzi Mkuu Shirika Uwakala wa Meli Tanzania (TASAC), Emmanuel Ndomba, alisema Tanzania haijafanikiwa kutumia vyema fursa zilizopo kwenye sekta ya bahari.

Alisema hali hiyo inachangiwa na kutokuwa na uwezo wa vitendea kazi zikiwamo meli za uvuvi, imesababisha meli kadhaa kutoka nje ya nchi zikiwamo za maharamia kuja kuvua samaki na kufanikiwa kuondoka nao.

HABARI ARUSHA



Waziri ataka wadaiwa PPRA kulipa madeni

Na Cynthia Mwilolezi,
ARUSHA

NAIBU Waziri wa Fedha na Mipango, Dk. Ashatu Kijaji, ameziagiza taasisi zote zinazodaiwa gharama za matangazo na Mamlaka ya Udhibiti wa Ununuzi wa Umma (PPRA), kulipa madeni yao kabla ya Agosti 30, mwaka huu, ili wasichukuliwe hatua.

Akitoa agizo hilo jana katika Kongamano la Saba la Ununuzi wa Umma, lililofanyika katika ukumbi wa Kituo cha Kimataifa cha Mikutano Arusha (AICC), Dk. Kijaji pia aliagiza bodi za taasisi za umma na maofisa masuhuli wote kutoa ushirikiano kwa mamlaka kama ilivyoombwa na Mwenyekiti wa Bodi.

Alisema Sheria ya Ununuzi wa Umma ya mwaka 2011 in-

aipa PPRA uwezo wa kukusanya mapato, kutokana na huduma za matangazo ya zabuni na pia mafunzo kwa taasisi nunuzi.

"Lakini taarifa ya PPRA ino-nyesha kuna changamoto kwenye eneo hili la mapato, ikiwa pamoja na taasisi nunuzi kwa makusudi kuacha kulipa gharama za matangazo mara baada ya mamlaka kutimiza wajibu wake wa kisheria," alisema.

Dk. Kijaji alisema kuacha au kuchelewesha malipo ya huduma zilizotolewa ni miongoni mwa mambo yanayokwamisha PPRA kutekeleza majukumu yake ya msingi, ikiwamo kufanya ukaguzi.

Alisema gharama za matangazo wanazotakiwa kulipa PPRA ni ndogo ikilinganishwa na gharama zilizopo katika soko, hususani magazeti.

"Sasa nikiwa waziri mwenye dhamana ya kusimamia masuala ya ununuzi wa umma, naziagiza taasisi zote zinazodaiwa gharama za matangazo na PPRA, kulipa madeni yao kabla ya Agosti 30, mwaka huu. Asiyelipa hatua stahiki zitachukuliwa dhidi ya maofisa masuhuli watakaokaidi agizo hili," alisisitiza.

Pia alisema pamoja na marekebisha ya Sheria ya Ununuzi wa Umma yaliyofanyika mwaka 2016, bado kuna kelele kutoka kwa wadau kuhusu ugumu wa utekelezaji wa sheria hiyo.

"Je, tatizo ni sheria au uelewa wa watu? Agizo langu kwenu ni kwamba moja ya maazimio ya kongamano hili iwe ni kuainisha mambo yanayolalamikiwa na wadau kwenye ununuzi wa umma. Baada ya marekebisha ya sheria na kutoa mapendekezo ya nam-

na bora ya kukabiliana na malalamiko hayo, ili kuakisi dhamira njema ya serikali," alisema.

Naye Ofisa Mtendaji Mkuu wa PPRA, Mhandisi Leonard Kapon-go, alisema PPRA imezijingea uwezo taasisi nunuzi. Alisema katika kipindi cha serikali hii yaani mwaka 2016/2017 hadi 2018/2019, maofisa 3,899 wanahusika kwenye ununuzi wa umma walipewa mafunzo.

Waliopeva mafunzo aliwataja kuwa ni maofisa masuhuli, wajumbe wa bodi za zabuni, watumishi wa vitengo vinavyosimamia ununuzi, wakaguzi wa ndani na watumishi wa idara tumizi.

Alisema PPRA inafanya ukaguzi kila mwaka kutathmini kiwango cha uzingatiaji wa sheria au ukidhi wa matakwa ya sheria kwa ununuzi unaofanywa na taasisi za umma.



Mwanafunzi kidato cha pili atoweka nyumbani

Na Cynthia Mwilolezi,
ARUSHA

MWANAFUNZI wa kidato cha pili, Mariamu Steven (16) wa Shule ya Sekondari ya Ufundi Kaloleni, iliyoko wilayani Arusha, anatafutwa na wazazi wake baada ya kutoweka nyumbani kwake Julai 8, mwaka huu.

Akizungumza jana jijini hapa katika ofisi za Nipashe, baba yake mzazi Steven Samweli, mkazi wa Engashe-latoni Kata ya Engosengiu, alisema mwanawe alitoweka siku hiyo saa 1:00 asubuhi akiwa amevaa sare za shule.

"Aliniamsha asubuhi tusali ili awahi shule, tukasali. Akaondoka akiwa amevaa sketi ya shule rangi ya 'Dark Blue' na sweta la rangi hiyo hiyo na akabeba begi lake na kumpitia mtoto wa jirani yangu Mary Frack," alisema.

Alisema kwa kawaida shuleni anatoka saa 10:30 jioni na hufika nyumbani saa 12:00 jioni, lakini siku hiyo muda huo ulifika hakurudi wala rafiki yake aliyeongozana naye hakurudi.

Steven alisema baada ya kuona muda umepita, alianza kuuliza kwa kuwapigia walimu simu ya kiganjani ambao walisema hawajamwona siku hiyo shuleni na ndugu zake wa Arusha walioko maeneo ya mbali nao hawakumwona.

"Niliuliza kesho yake kwa ndugu zangu wa Dar es Salaam na Tanga wakaniambia hawajamwona, nikaenda shuleni kuuliza rafiki zake wa karibu nao, walikana kumwona na hata shuleni hakufika siku hiyo," alisema.

Alisema baada ya kuuliza kwa walimu na wanafunzi wenzake ndugu, jamaa na marafiki bila mafanikio alitoa taarifa kituo Kikuu cha Polisi cha Mjini.

Arusha na kufungua jalada namba AR/RB/7307/2019 la kumtorosha mwanafunzi chini ya uangalizi wa mzazi.



Mfanyabi-ashara wa madini ya Tanzanite, Lomayani Laizer (kulia), akizungumza kwenye harambee ya ujenzi wa kanisa la KKKT Naepo, Kata ya Naisinyai, wilayani Simanjiro, Mkoa wa Manyara jana. Katikati ni Mwenyekiti wa Kijiji cha Naisinyai, Taikoo Laizer na mfanyabi-ashara, Mepukori Siria.

PICHA: GIFT THADEY

Wajasiriamali wa Mirerani wapewa mchongo

Na Cynthia Mwilolezi,
SIMANJIRO

Wajasiriamali 50 wa Mji Mdogo wa Mirerani, Simanjiro mkoani Manyara, wametakiwa kuwa wabunifu kwa kuandaa vitu vitakavyokuwa endelevu kwa jamii na si kupoteza muda kwa kuiga biashara zisizo na tija.

Mtaalamu wa Saikolojia wa jijini Arusha, Joseph Mrindoko, aliyasema hayo jana wakati akiwajengea uwezo wajasiriamali hao kwenye ukumbi wa Mazubu Grand, Mirerani.

Mrindoko alisema wajasiriamali wanapaswa kutambua kuwa wanatakiwa kufanya kazi, kupitia maono ya mioyo yao tangu utotoni kwa kuwa kwa kufanya hivyo,

watapata mafanikio.

Alisema kanuni za maisha zinanaeleza kuwa "usipofanya chochote hatapata chochote na kadiri unavyofanya ndiyo utakavyopata", hivyo wasibweteke kwenye maisha yao.

"Akili ya binadamu ina sehemu tatu tuzitumie zote na ukiwa duniani hakikisha unaacha alama tusilale mchana. Mfano mimi huu mwaka wangu wa nane nalala kwa muda wa saa nne pekee kwa siku na wala sijaugua ugonjwa wowote," alisema Mrindoko.

Mmoja wa Wakurugenzi wa Asasi ya Tanzanite Mining Tourism, Charles Mnyalu, alisema kupitia mafunzo hayo wajasiriamali hao wataongeza uelewa ili wajinufaishe wao wenyewe na

jamii kwa ujumla.

Mnyalu alisema wamedhamini mafunzo hayo kwa lengo la kuwajengea uwezo ili kuwanyanyua kiuchumi wajasiriamali hao pindi wakizingatia elimu waliyoipata.

Mkurugenzi mwenza wa asasi hiyo, Nuru Mkirery, alisema mafunzo hayo yametolewa bila malipo kwa lengo la kuwajali wajasiriamali hao ili wachangamkie fursa zilizopo.

"Mwalimu Mrindoko amewafundisha wajasiriamali hawa watoke kwenye duara walilopo na kufikiria nje ya hapo kwani binadamu akitumia akili aliyonayo ambayo ni rasilimali aliyonayo anaweza kunufaika maishani mwake," alisema Mkirery.

Mmoja wa wajasiriamali wali-

oshiriki mafunzo hayo, Hamis Seif, alisema, anatengeneza na kuuza mabegi na amefaidika kwa elimu hiyo ikiwamo kuwekeza kwenye muda na kusimamisha jua.

"Katika mafunzo haya, nimejifunza pia umuhimu wa kuwa mtanashati kwani mara nyingi watu wanakihukumu kitabu kutokana na mwonekano wa jalada lake na si kurasa zilizo ndani yake, hivyo tunapaswa kubadilika," alisema.

Mjasiriamali wa mboga, Zainabu Mussa alisema amefaidika na mafunzo hayo kwa kutakiwa kuwajali wateja na kuthamini biashara yake ikiwamo kuiboresha kwa kuwafikishia nyumbani kuliko kuwasubiri gengenji.



Mwandishi wa habari wa kituo cha matangazo Radio Faraja, iliyoopo Shinyanga Mjini, Josephine Charles, akitoa zawadi za taulo za kike, sabuni za kufulia na kuogeshea watoto, kwenye wodi ya kinamama katika Hospitali ya Rufani ya Mkoa wa Shinyanga juzi, wakati akisherehekea siku yake ya kuzaliwa. **PICHA: MARCO MADUHU**

Ufaulu mitihani wanufaisha shule

Na Godfrey Mushi, MOSHI

MFUMO wa serikali wa lipa kwa matokeo (EP4R) umepeleka katika Halmashauri ya Wilaya ya Moshi Sh. milioni 121.6, baada ya kufanya vizuri katika matokeo ya mtihani wa kidato cha nne mwaka 2018.

Ofisa Elimu ya Sekondari wa Halmashauri hiyo, Juma Tukosa, alisema jana kuwa fedha hizo tayari zimeelekezwa katika Shule ya Sekondari Langasani iliyoko Kata ya Arusha Chini, Kijiji cha Mikocheni kwa ajili ya ujenzi wa vyumba vya madarasa.

"Ni kweli kabisa kwamba kiasi hicho cha pesa kimepatikana kupitia mfumo wa serikali wa lipa kwa matokeo (EP4R) kutokana na Halmashauri ya Moshi kufanya vizuri katika matokeo ya mtihani wa kidato cha nne mwaka 2018, kwa kushika nafasi ya 13 kati ya Halmashauri 195 za Tanzania.

"Na tumeamua kuzipeleka Langasani ilipokea kiasi hicho katika kipindi cha robo ya tatu ya mwaka fedha 2018/2019 na kuanza kutekeleza miradi ya ujenzi mara moja kulingana na miongozo ya pesa hizo kutoka serikali kuu," alisema.

Kwa mujibu wa Tukosa, pamoja na changamoto mbalimbali ikiwamo hali ya hewa, halmashauri hiyo imefanikiwa kusimamia mradi wa ujenzi wa vyumba vya madarasa mawili, vyoo sita na bwani lenye uwezo wa kuchukua wanafunzi 80.

Tukosa alisema malengo ya ujenzi wa mradi huo wa Sekondari ya Langasani ni kuboresha mazingira ya kufundishia na kujifunzia pamoja na kupunguza msongamano wa wanafunzi madarasa.

Ujenzi wa majengo hayo unatekelezwa na serikali kwa kutumia mafundi wa kijamii maarufu kama 'force account' na kwamba kwa sasa majengo yote yako katika hatua za maboma na mengine katika hatua za kuzekwa paa.

Aidha, mradi wa ujenzi wa vyumba viwili vya madarasa umetengewa kiasi cha Sh. milioni 40.

Sambamba na hayo, mradi huo wa vyumba vya madarasa utahusisha uwekaji wa madawati 80, ambapo kila darasa lita-chukua madawati 40.

Taarifa DC kuomba rushwa yatua Takukuru

Na Paul William, MOSHI

TAASISI ya Kuzuia na Kupambana na Rushwa (Takukuru) Mkoa wa Kilimanjaro, imethibitisha kupokea malalamiko ya mfanyabiashara na mmiliki wa hoteli ya kitalii ya Weruweru River Lodge, anayedai kuombwa rushwa na Mkuu wa Wilaya ya Hai, Lengai ole Sabaya.

Kipande cha mkanda wa video kinachodaiwa kuwa na malalamiko ya mfanyabiashara huyo, Curthbert Swai, kilikuwa kikizunguka kwenye mitandao ya kijamii kwa siku chache zilizopita na kuibua

mjadala.

Alipotafutwa jana kutoa ufafanuzi kuhusu malalamiko hayo, Mkuu wa Takukuru mkoani hapa, Holle Makungu, alikiri taasisi hiyo kupokea malalamiko hayo kutoka kwa Swai, huku akieleza kuwa wanaendelea kuyafanyia kazi.

"Takukuru tunakiri kupokea malalamiko ya mfanyabiashara Curthbert Swai dhidi ya Mkuu wa Wilaya ya Hai, Lengai Ole Sabaya na tumeanza kuyafanyia kazi," alisema Makungu.

Katika kipande hicho cha mkanda huo wa video unaodaiwa kuwa wa Swai anasikika akisema: "Mheshimiwa Sabaya, mwaka jana

mwezi wa II, alinipa saa 48 ya khamisha akaunti za Weruweru River Lodge kupeleka Hai. Nilifanya kama anavyotaka lakini mpaka sasa hivi hata sijajua kwa nini. Hiyo ni moja, wakati huo huo akawa anadai hotel levy (kodi ya hoteli) ambapo yeye hajui kwamba ukiwa unalipa VAT (kodi ya ongezeko la thamani) hutakiwi kulipa 'hotel levy'."

Mfanyabiashara huyo anaonekana katika mkanda huo akieleza kuwa unachotakiwa kulipa ni 'service levy' (kodi ya huduma). Mheshimiwa yeye kuelewa hicho kitendo cha namna hiyo kilituchukua sisi wiki tatu, nikihudhuria

kila siku asubuhi hadi saa nane, bila kujua bila kujali huyu ni mteja wake. "Jamani mimi ni mwezenu naumia, akaniambia bwana nataka Sh. milioni tano, mimi nimetumwa na ninafanya kazi ya serikali. Hapo hapo akaniambia unaamua utaise-maje, aidha utasema kwamba 'Makonda style' au ni rushwa unanipa, nahitaji hiyo hela.

"Mheshimiwa nikampa Sh. milioni mbili, bado akaendelea kuninyanyasa ikabidi nitoke kwa mfanyabiashara mwenzangu (anamtaja jina), aliniambia we mpe tu, na kweli nilimpa na mara ya pili nilimpa milioni mbili na mara ya tatu nikampa milioni mbili.

Ujenzi hospitali wilaya wakamilika 90%

Na Godfrey Mushi, SIHA

UJENZI wa majengo sita ya Hospitali ya Wilaya ya Siha ambao umeigharimu serikali Sh. bilioni 1.5, umekamilika kwa asilimia 90, huku ikielezwa kukamilika kwake kutapunguza msongamano wa wagonjwa katika hospitali za rufani.

Mganga Mkuu wa Wilaya hiyo, Dk. Andrew Method, alith-

ibitisha kuwa mradi huo utamalizika hivi karibuni ili kuruhusu kuanza kutumika kutoa huduma kwa wagonjwa wanaofikishwa katika hospitali hiyo. Mradi huo unahusisha majengo mapya ya wodi ya mama na mtoto, jengo la kuhifadha maiti (mortuary), jengo la mionzi, jengo la utawala, jengo la dawa na jengo la kufulia.

Pia Halmashauri ya Wilaya ya

Siha imekamilisha mradi mwingine wa jengo la kutolea huduma ya bima ya afya.

Dk. Method alisema: "Kimsingi majengo hayo yamefikia hatua za mwisho za ukamilishwaji, kabla ya kuanza kutumika kwa ajili ya huduma wa wananchi.

"Majengo haya ni miongoni mwa mapya sita yanayojengwa katika hospitali yetu ya Wilaya ya Siha

kwa fedha za serikali."

Hospitali ya Wilaya ya Siha inahudumia zaidi ya wakazi 116,313 (kulingana na takwimu za sensa ya watu na makazi ya mwaka 2012) kutoka katika vijiji 60 vilivyoko wilayani hapa.

Hospitali hiyo ilianzishwa mwaka 2007 ikiwa kituo cha afya, baada ya vyama viwili vya ushirika wilayani hapa kutoa ekari 40 za ardhi.



Ukurasa 16

Wabunifu, wakadiriaji majenzi bado 'jiwe kuu' uchumi lililoachwa



Ukurasa 14

Waziri aja na operesheni inayowapa maisha mapya wachimbaji wadogo



Boeing 737 hatarini kusimamisha uzalishaji

Ukurasa 15

BUWE

Ijumaa Julai 26, 2019

Nipashe

BIASHARA, UCHUMI NA FEDHA



Waziri Bashungwa: Tumejipanga, hapana shaka tutanufaika maonyesho ya SADC

Na Beatrice Moses

MAONYESHO ya Awamu ya Nne ya Wiki ya Viwanda ya Jumuiya ya Maendeleo Kusini mwa Afrika(SADC), yanafanyika nchini Tanzania mwaka huu.

Hiyo imetajwa kuwa ni fursa kubwa kwa wadau wa biashara na wamiliki wa viwanda nchini, ambako wameha-

masishwa kushiriki, serikali ikiahidi kuendelea kutafuta suluhisho kwa changamoto zinazowakabili.

Waziri wa Viwanda na Biashara Innocent Bashungwa, anasema serikali iliyoko madarakani imejikita katika kuhakikisha inatimiza ahadi ya kufanya Tanzania kuwa ya Viwanda.

INAENDELEA UK.18

UCHUMI

Habari katika picha



Ukurasa 17

UCHUMI

Waziri Biteko aja na operesheni maisha mapya wachimbaji wao

• Ashtukia ‘janja’ ukwepaji kodi na utapeli • Ajira mpya mbadala wa mgodi uliofungwa • Halmashauri Kahama yapata pa kuheme



Wachimba madini wakiwa kazini, **PICHA ZOTE: MTANDAO.**

Na Shaban Njia, KAHAMA

WILAYA ya Kahama iko katika maeneo ambayo yanakuwa kwa kasi mkoani Shinyanga, mzizi wa kasi hiyo ikitajwa ni kilimo pamoja na sekta ya madini.

Wananchi wake ambao ndio nguvu kazi ya mageuzi hayo, wanaelezwa kujishughulisha kwa bidii katika uchimbaji mdogo mdogo wa madini ya dhahabu, hazina ili-yopo kwa kiwango kikubwa.

Kabla ya kuanza migodi hiyo midogo iliyozagaa katika maeneo mbalimbali nchini, ikiwa ni pamoja na ile ambayo ni rasmi huku mingine ikichimbwa na wachimbaji hao ikimilikiwa na leseni za watu wengine.

Awali, Wilaya ya Kahama yenye Halmashauri tatu, ilikuwa ikitegemea mapato yake ya ndani kwa sehemu kubwa kutoka katika migodi miwili, ambayo ni Acacia Buzwagi na Bulyanhulu, kupitia tozo mbalimbali zilizokusanywa.

Baada ya migodi huo kusimami-sha uzalishaji kwa kipindi kirefu, sasa halmashauri hizo mapato yake yanaelezwa kupungua kwa kiwango kikubwa, hata halmashauri kuingia katika mikakati ya kubuni vyanzo vipya vya mapato, ili kuhimili kujiendesha.

Vyanzo hivyo vipya zaidi imejikita kiatika machimbo ya wachimbaji wadogo, ambayo yamekuwa yakifumuka kila siku kati-

“
Waziri wa Madini Dotto Biteko, alifanya ziara katika kijiji cha kakola Kata ya Bulyanhuru katika Halmashauri ya Msalala, kunakofanyika uchimbaji mdogo.



ka sehemu mbalimbali na kutengeneza ajira kwa vijana wengi waliopo vijijini, vivyo hivyo kwa walioko mijini waliokosa kazi.

Mageuzi hayo yanafanya kuibuka viwanda vingi vya uchenjuaji madini ya dhahabu katika maeneo mbalimbali ya Kahama, huku Halmashauri ya Mji wa Kahama, ikiwa na viwanda vya uchenjuaji zaidi ya 17 vinyoibua ajira mpya kwa vijana wa maeneo hayo.

Machimbo hayo madogo yaliyoibuka yako katika maeneo ya Mwazimba, Mwime Nyangalata, Mwabomba, Kakola Namba Tisa na Namba mbili.

Pamoja na hatua hiyo, kama ulivyo usemi ‘kizuri hakikosi kasoro’ baadhi ya madalali, wamiliki wa mashine za uchenjuaji na wanunuzi wake, wanadaiwa wamekuwa wakikwepoa kulipa kodi za serikali na wengine wakidiri kutorosha madini kwenda

katika nchi za jirani za Kenya na Uganda.

Hivi karibuni Waziri wa Madini Dotto Biteko, alifanya ziara katika kijiji cha kakola kata ya Bulyanhuru katika Halmashauri ya Msalala, kunakofanyika uchimbaji mdogo.

Katika ziara hiyo alibaini baadhi ya wamiliki wa mashine za uchenjuaji madini ya dhahabu, wanakwepa kulipa mrabaha wa serikali na wengine hawana hata

Naibu Waziri Madini, Stan Nyongo (kul Mkuu wa Wilaya Kahama, amringi Machimbo wakiangalia batili ya ‘ste iliyotumiwa ziara ya kus katika kamp kuchenjua m iliyoko Kaha Machi mwak

ni inayowapa mdogo Kahama

daftari la kumbukumbu za mauzo yao.

Pia, alibaini baadhi ya mashine za uchenjuaji zimekuwa zikitungia nyenzo za 'steel wire' katika uchenjuaji, hali anayoeleza kiufundi inawaibia wachimbaji wadogo waliopeleka mchanga wao kwa ajili ya kupata huduma.

Waziri Biteko anasema, kutokana na baadhi ya mashine hizo kubainika kutumia ujanja, alizifunga kwa muda kufanya kazi hiyo ya uchenjuaji mpaka watakapojirekebisha katika suala zima la uchenjuaji madini wanayowasilishiwa.

Biteko anasema, kila mchimbaji mdogo anatakiwa kuhakikisha kuwa madini yake anauza katika maeneo au masoko yaliyotengwa na serikali kwa ajili ya kuuza madini yao na si pengine, ili kuweza kulipa mapato kwa serikali.

Anasema kuwa, wilayani Kahama, tayari kuna eneo maalumu lililolengwa katika ofisi za zamani za Halmashauri ya Msalala, kwa ajili ya wanunuzi wa dhahabu, sambamba na kuuza madini mengi.

Anaongeza, eneo hilo lipo katika kijiji cha Kakola, Waziri Biteko, anafanya msako wa kuwabaini wanunuzi wa dhahabu wanaokwepa kulipa kodi za serikali kati ya nyumba hadi nyingine na kuweza kuwakamata baadhi ya wafanyabiashara hao, wakifanya kazi za uchenjuaji.

Pia, kuna madai ya kuwapa wanaotumia nyumba za kulala wageni wanaozigeuza kuwa ofisi na uchenjuaji madini na hadi sasa kuna jumla ya wafanyabiashara 12 wanaotajwa kukwepa kodi na kodi wanaotajwa kuzisafirisha kwenda jirani za Kenya na Uganda.

Waziri Biteko anasema, serikali imeamua kuweka utaratibu kwa wamiliki wa mialo katika maeneo yao, kuhakikisha wanakuwa katika eneo moja na sio kuweka kiholela.

"Wamiliki wa mialo katika utafutaji wao wa dhahabu kwenye mchanga wamekuwa wakitumia sumu aina ya 'synaid' katika kukamata madini, sasa inapotapakaa kwenye makazi yao inahatarisha maisha ya wananchi na mifugo wao," anasema Biteko.

Waziri anasema, wenye mialo hiyo wamekuwa wakikaa pamoja wanaweza kuunda vikundi vya watu 10 na kuwachagua watakoowaongoza, kufikia hatua ya kujenga urahisi kukopesheka na halmashauri kwa riba nafuu.

OFISA MADINI

Ofisa Madini Mkoa wa Shinyanga, Joseph Kumbulu, anasema ni marufuku madalali na wanunuzi wa madini ya dhahabu na almasi, kufanya biashara zao katika maeneo ambayo sio rasmi, bali waende kwenye masoko yaliyotengwa na serikali.

Anasema, katika Wilaya ya Kahama, tayari kuna ofisi zimeshajengwa na kilichobaki ni Halmashauri ya Mji Kahama, kuingia mikataba na wapangaji wake ambao ni wanunuzi wa madini, kutoka kwa wachimbaji wadogo na madalali wa madini.

Kumbulu, pia anawataka madalali wa madini kutokaa mjini na wanatakiwa kwenda kwenye maeneo ambayo yalitengwa na serikali, kulingana na mauzo ya dhahabu yaliyopo kutoka kwa wachimbaji wadogo.

Pia, anatahadharisha kwamba, Ofisi ya Madini haitawajibika kwa

dalali yeyote mwenye leseni ambaye hatakuwapo katika eno lisilotambulika rasmi, huku akisisitiza utoaji leseni utafanyika kulingana na makubaliano ya pande zote mbili.

Taahadhari iliyopo ni kwa mnunuzi atakayebainika kuuza madini nje ya soko la dhahabu linalotambulika kisheria, atalazimika kulipa faini ya gharama ya mzigo, kulipa kodi ya serikali na mali hiyo inataifishwa.

"Kwa sasa, serikali imesema kwa atakayebainika kuuza madini hayo katika masoko ambayo sio rasmi, atalipa gharama zote na faini za mzigo aliyokamatwa nayo na kutaifishwa mali zake zote atakazokuwa nazo," anasema Kumbulu.

Kumbulu anaongeza: "Nilikuwa niende kakola tangu juzi kwani huko kuna mifuko zaidi ya elfu moja imekamtwa kwa watu wakitaka kuzitorosha na kwa sasa nimeweka ulinzi wa polisi, kuhakikisha kuwa wanailinda mpaka nitakapofika na kujiridhisha uhalali wake."

Ofisa Madini anabainisha maeneo mengine ya ununuzi wa dhahabu, ni Mwakitoliyo katika Halmashauri ya Shinyanga Viji-jini na kwamba yalitengwa katika maeneo matatu. Mpaka sasa kuna maeneo mawili yamekwishapatikana yenye wachimbaji almasi.

Kumbulu anaendelea kusema, kutokana na serikali kutenga maeneo hayo, hali imebadilika kibiashara kwa wanunuzi kuanza kuuza dhahabu katika masoko ya serikali, kinyume na zamani walinunua kiholela na kukwepa kodi.

Waziri pia, alishawahi kufanya msako akishirikiana na Kamati ya Ulinzi na Usalama ya Wilaya ya Kahama, pamoja na Ofisa Madini wa Mkoa Shinyanga, waliofanya msako katika kijiji cha Kakola kubaini wanunuzi wa dhahabu wakifanya biashara kwenye masoko batili.

Boeing 737 hatarini kusimamisha uzalishaji



Ndege aina ya Boeing 737 Max. **PICHA: MTANDAO**

KAMPUNI ya kutegeneza ndege aina ya Boeing, imetangaza kwamba huenda ikafunga kabisa uzalishaji wa toleo la ndege aina ya Boeing 737Max.

Hadi sasa ndege hiyo imezuiwa kutokana kifanya kazi ikidaiwa kuwa na hitilafu kadhaa za kiufundi.

Inasema kuwa, hadi sasa kampuni hiyo yenye makazi yake nchini Marekani katikia kipindi hicho tajwa tangu Machi iliyopitwa, imeshapata hasara ya Dola za Marekani bilioni 3.4 Pamoja na kauli hiyo iliyoko katika ripoti yake ya robo mwaka, bosi mkuu wa Boeing, Dennis Muilenburg, kwa upande wa pili anaeleza kujiamini kuwa ana imani kubwa ndege hiyo itarejea kazini hadi ifikapo Oktoba ijayo.

"Wakati juhudi zetu za kupigania Boeing 737 Max irejee kazini salama, tuatendelea kutathmini mipango yetu ya uzalishaji," anasema Muilenburg.

Ndege hiyo ilisimamishwa, kupisha kufanyiwa uchunguzi wa usalama wake kiufundi kutokana na kusababisha ajali mbaya kwa Shirikia la Ndege Ethiopia na kusababisha vifo vya watu 157.

Miezi mitano kabla, ndege ya aina hiyo yenye wateja katyika nchi 150 duniani,

ilichangia vifo vya abiria 189 katika ndege ya shirika lingine tofauti.

Mkuu huyo wa kampuni ya Boeing, anasema timu yake ya watalamu wa kiufundi wamekuwa wakikutana kila wiki kutathmini huku kukiwepo nyenzo mbadala unatiliwa shaka na unafanyiwa majaribio, sasa imeshafanyiwa majaribio kwa safari 225 hadi sasa.

Anasema: "Huu ni wakati wa changamoto. Kwanza, kwa familia na wapendwa waliokumbwa na haya matukio ya karibuni na waliojitolea kufanya kazi bikla ya kuchoka kutusaidia dhamira yetu ya kutuunga, kutulinda, kuchunguza na kuhamasisha dunia kuhusu usalama na mshikamano."

Muilenburg anasema, tangu kutokea ajali, kiasi cha uzalishaji wa ndege zao za Boeing 737 Max kilipungua kutoka ndege 52 kwa mwezi hadi 42. Anasema, mabadiko hayo ya kuingia gharama kubwa latika uzalishaji unawafanya waingie gharama kubwa, ikiwamo kununua vipya vipya zaidi, faida kushuka ambayo inaelekea katika kuisimamisha uzalishaji kwa jumla, iwapo mwelekeo wa hasara hiyo utaendelea.

Ni kwa mujibu wa taarifa za kimataifa.



Waziri wa Madini, Dotto Biteko.

BIASHARA

DK. BULAMILE;

Wabunifu, wakadiriaji majenzi bado 'jiwe kuu' uchumi lililoachwa kando

• Atangaza mkakati bodi yao kuwaibua



Wajumbe wa mkutano wakimsikiliza Makamu wa Rais, Samia Suluhu Hassan wakati wa Mkutano wa Mashauriano wa Bodi ya Usajili wa Makandarasi kwa Mwaka 2017, kwenye ukumbi wa Kimataifa wa Mikutano wa Kikwete mkoani Dodoma. **PICHA ZOTE: MTANDAO.**

Na Yasmine Protace

BODI ya Usajili wa Wabunifu Majenzi na Wakadiriaji Majenzi ni taasisi ya serikali iliyoanzishwa kusimamia Sheria ya Usajili wa Wabunifu Majenzi na Wakadiriaji Majenzi, ikiwajibika chini ya Wizara ya Ujenzi, Uchukuzi na Mawasiliano.

Mwenyekiti wa bodi hiyo, Dk. Ludigija Bulamile, anataja dira yao ni kuwa msimamizi mwenye uwezo na maarifa ya ubunifu, ukadiriaji majenzi na utaalumu unaoshabihiana nao.

Anasema, asasi hiyo ina ofisi tano za kanda anazozitaja: Ziwa, Kaskazini, Kati, Nyanda za Juu Kusini na Mashariki, ikifanya kazi ya kusajili na kuwaratibu wabunifu majenzi, wakadiriaji majenzi na kampuni zao.

Dk. Bulamile anasema, hadi kufikia Juni 26 mwaka huu, bodi ilishasajili wataalamu 1,596 na kampuni za kitaalamu 373.

"Wakati bodi ilipoanza shughuli zake mwaka 1998 kulikuwa na wataalamu 188 na kampuni 53," anasema Dk. Bulamile, hatua iliyofikiwa sasa ni kubwa zaidi, ingawaje katika uhalisia mahitaji ni makubwa zaidi.

USAJILI WA SASA

Dk. Bulamile anasema, katika kuhamasisha usajili wa wataalamu na kampuni zao, bodi imepunguza muda kutoka miezi mitatu hadi

“ Kwa robo tatu ya mwaka wa fedha 2018/2019, bodi imekagua miradi 1213, lengo lipo la kukagua miradi 1725 nchi nzima.



Makamu wa Rais, Samia Suluhu Hassan akisalimiana na wajumbe wajumbe wa mkutano baada ya kufungua mkutano huo.

wastani wa wiki mbili, kwa maombi yaliyokamilika.

Anasema katika ukaguzi wa miradi ya ujenzi, bodi hiyo inalenga kuwa na wataalamu waliosajiliwa wanaohusishwa katika ubunifu, ukadiriaji na usimamizi wa kazi.

"Kwa robo tatu ya mwaka wa fedha

2018/2019, bodi imekagua miradi 1213, lengo lipo la kukagua miradi 1725 nchi nzima," anasema Bulamile.

Anafanua kuwa, waendelezaji wa wataalamu waliobainika kukiuka sheria, walichukuliwa hatua kwa mujibu wa sheria zilizopo; ikijumuisha kutozwa faini, kusimamishwa usajili na kushitakiwa ma-

hakamani.

Dk. Bulamile anasema, katika mwaka fedha 2018/2019 kuna mashitaka manne yaliwasilishwa mahakamani.

MAFUNZO MAALUM

Eneo lingine analolitaja ni kuwapa mafunzo kwa vitendo inayoendeshwa

kwa mujibu wa sheria, wakiwahusisha wahitimu katika fani za ubunifu majenzi, ukadiriaji majenzi na wanaoshabihiana.

Anataja asasi au mahali watoko wataalamu haoni vyuo vikuu wanakotakiwa kupata mafunzo kwa vitendo, kwa muda usiopungua miaka miili.

Mwenyekiti huyo anasema, tangu mwaka 2005, bodi ilianzisha mpango wa kuwafadhili wahitimu kupata mafunzo mara baada ya kuhitimu elimu ya juu unaojulikana kwa jina 'Enhanced Article Pupilage Programme' ambao ni ya mwaka wa pili.

Dk. Bulamile anasema, hadi kufikia Desemba mwaka jana, kuna jumla ya wahitimu 280 walionufika na mpango huo, wastani wa asilimia 80 wameshasajiliwa na bodi.

Anaongeza kuwa, semina za mafunzo endelevu zinalenga kuwapatia ujuzi mpya unaotokana na mabadiliko ya sayansi na teknolojia duniani.

Bosi na mataalamu huyo, anasema tangu mwaka 2003 hadi sasa, kuna jumla ya wataalamu 6,644 walionufika na mafunzo hayo na baada ya kila nusu mwaka bodi imeendesha walau semina moja.

Pia, anasema kuna mihadhara ya kitaaluma, ambayo bodi imekuwa ikiandaa mihadhara kwa wataalamu wake tangu mwaka 2005 na wadau wa sekta ya ujenzi ambako kuna jumla ya mihadhara 29 iliyofanyika kuwanufisha wadau 3,200 katika sekta ya ujenzi.

USAJILI

Dk. Bulamile anaeleza kuhusu kusajiliwa miradi ya ujenzi, wabunifu majenzi na wakadiriaji majenzi, kwamba wanatakiwa kusajiliwa miradi yao kabla hajajaanza, lengo ni kuiwezesha bodi kufuatilia na kuidhibiti iwe na ufanisi.

Mtaalamu huyo anaeleza kuwa hiyo ni fursa kwa wadau wa sekta ya ujenzi, ikiwamo serikali kupata takwimu za miradi inayoendelezwa kwa kipindi cha Julai 2018 hadi Aprili mwaka huu, bodi imesajili miradi ya ujenzi 633, huku dira yake kuu ni kusajili miradi 690. Kwa maana hiyo imebaki 63 kufikia lengo lililopangwa.

CHANGAMOTO

Dk. Bulamile anataja kuwa taaluma yao bado hajafahamika vyema katika jamii, hali inayowafanya waendelezaji miradi ya majengo kutowatumia na miradi inaishia kutokuwa na viwango vyenye thamani.

Anasitiza kuwa wataalamu hao ni muhimu katika maendeleo ya taifa, masikitiko yake ni kwamba, licha ya idadi ndogo kulinganisha na mahitaji, hawapatwi nafasi ya kuajiriwa katika maeneo yenye mi-

radi ya miundombinu na majengo, hasa katika halmashauri mbalimbali nchini.

Dk. Bulamile, anaeleza hatua zilizochukuliwa kukabiliana nazo ni kuwaelimisha wananchi na taasisi kuhusu majukumu yake na umuhimu wa kuwatumia katika shughuli za ujenzi.

DIRA YAKE

Mtaalamu huyo anasema, bodi imezindua mkakati mpya wa mawasiliano, unaoinisha mbinu mpya na za kisasa kujitangaza kwa jamii na inaendelea kufuatilia, ili serikali ikamilishe mchakato wa kutambua taaluma zao katika mfumo wake wa utumishi, kwa manufaa ya umma.

Katika hilo, bodi anasema bodi inaendelea kuzihamasisha vyuo vikuu vya serikali na binafsi, kuanzisha vitivo vyenye fani za ubunifu majenzi na ukadiriaji majenzi.

"Tunafurahi Chuo Kikuu cha Dar es Salaam, kimeanzisha mafunzo katika fani za ubunifu majenzi na ukadiriaji majenzi. Hiki kitakuwa chuo kikuu cha tatu kutoa mafunzo katika taaluma hizi," anasema.

Dk. Bulamile anavitaja vingine ni Chuo Kikuu cha Ardhi na Chuo Kikuu cha Sayansi na Teknolojia, Mbeya.

MTAALAMU WA BODI

Mtaalamu, Mbaraka Igangula, kutoka bodi hiyo anasema kwa kiasi kikubwa nyumba zilizojengwa nchini, haziko kwenye mpangilio sahihi, kutokana na kukosekana wataalamu sahihi wa ubunifu majenzi na ukadiriaji majenzi.

Anashauri kwamba, jamii inapaswa kuwashirikisha wataalamu wa majengo namna ya kujenga katika maeneo yanayofaa na kuwaelimisha wasijenge katika maeneo yasiyofaa.

"Tunaona hata mvua zinaponyesha, madhara makubwa yanatokea maji kujaa, mawasiliano kukosekana kwenda maeneo mengine kutokana na maji kujaa.

"Hiyo inatokana na ujenzi holela ambao haukufuata taratibu za wataalamu wa wabunifu majenzi na wakadiriaji majenzi," anasema Igangula.

Anaiasa jamii kuwafuata wataalamu wanaobuni ramani za ujenzi, huku akiwashutumua wanaouza ramani za nyumba kiholela, akitaja kuwa ni chanzo cha nyumba kujengwa chini ya kiwango, ikibeba makosa ya kiufundi.

Anasema mtu anayejenga nyumba kwa kufuata taratibu kutoka kwa wabunifu majenzi na wakadiriaji majenzi, daima nyumba yake inajengwa kwa gharama nafuu.

MAJI JANGWANI

Igangula anazungumzia mafuriko ya maji eneo la Jangwani, jijini Dar es Salaam, ambako kujaa maji kunatokana na kutokuwepo mitaro ya kupitisha maji.

"Mvua inaponyesha maji yanatoka mto msimbazi yanakuja jangwani hayana sehemu ya kutokea, hivyo inatakiwa kuchimbwa mitaro ambayo itasaidia kuyasafirisha maji kuelekea baharini," anasema.

Biashara katika picha



Mkurugenzi Mtendaji wa benki ya UBA Tanzania, Usman Imam Isiaka, akizungumza na waandishi wa habari jijini Dar es Salaam kuhusu kuwanganisha wajasiriamali katika Jukwaa la Biashara la UBA Marketplace litakalowawezesha kutangaza na kuzaa bidhaa zao kupitia mtandao. Kushoto ni Ofisa Uhusiano na Habari wa benki hiyo, Anitha Palangyo. **NA MPIGAPICHA WETU**



Mkurugenzi Mkuu wa Kampuni ya Michezo ya kubahatisha ya Biko, Charles Mgeta, kulia akizungumza jambo katika uzinduzi wa kibashara kati ya Biko na Kampuni ya Vodacom kupitia bidhaa ya Mpesa, ambapo wachezaji wa Biko wanaotumia mpesa watakuwa na droo ya mbali na droo za kawaida za Jumajili na Jumatano. Wengine pichani ni Arjuun Dhillon, ambaye ni Mkurugenzi Kitengo cha Biashara kutoka Vodacom na Ali Z Ali Mkuu wa Kitengo Cha uzalishaji cha wateja wakubwa wa Vodacom. **NA MPIGAPICHA WETU**



Mchuzi wa matunda aina ya fenesi, akiyaandaa wakati akisubiri wateja katika Mtaa wa Libya, jijini Dar es Salaam jana. **PICHA: JOHN BADI**

BIASHARA

WAZIRI BASHUNGWA:

Tumejipanga, hapana shaka tutanufaika maonyesho SADC



Rais Dk. John Magufuli, akikata utepe mara baada ya kuweka jiwe la msingi la kiwanda cha kutengeneza vigae, Mkuranga, Pwani.



Waziri wa Viwanda, Biashara na Uwekezaji, Innocent Bashungwa, akizungumza kwenye moja ya mikutano na maafisa wa wizara yake.

INATOKA UK.13

Anasema katika kufanikisha hilo, wamejipanga kuhakikisha sheria na sera zinazokwaza biashara na uendeshaji wa viwanda nchini zinapitiwa upya ili kufanywa marekebisho yatakayosaidia kujenga mazingira rafiki.

Bashungwa anasema, marekebisho hayo yatasaidia pia kuongeza uzalishaji wa bidhaa mbalimbali nchini.

Anasema, hatua hiyo itaweza ushiriki mzuri katika ushindani wa bidhaa kwenye masoko mbalimbali ya kimataifa, ikiwamo kwenye nchi wanachama wa SADC.

“

Maonyesho yatafanyika katika Kituo cha JNICC jijini Dar es Salaam, tarehe 5 - 9 Agosti 2019.

Kwa mujibu wa Bashungwa, hatua hiyo itasaidia kufanikisha maono ya Rais John Magufuli ya kuifanya Tanzania kuwa nchi ya viwanda.

Mapema wiki hii, Waziri Bashungwa alizungumza na waandishi wa habari mapema, kufafanua kuhusu maadhimisho na maonyesho yajayo ya awamu ya nne ya Wiki ya Viwanda ya Jumuiya ya Maendeleo Kusini mwa Afrika.

Bashungwa anaeleza kuwa hiyo ni fursa kubwa kwa Tanzania na Watanzania, wanaopaswa kutumiwa vyema na wadau, kwa kuwa maadhimisho na maonyesho ya Wiki ya Viwanda ya SADC ni hatua mojawapo ya kuonye-

sha kwa vitendo utekelezaji wa Mkakati wa Viwanda wa SADC (2015- 2063).

Anasema, serikali kupitia wizara yake wanafanya juhudi za kuboresha mazingira ya biashara na uwekezaji kwa ujumla, hivyo wanapitia sheria na sera zinazohusiana na masuala ya biashara ili zile zenye vikwazo zitapelekwa bungeni Septemba, ili kufanywa marekebisho.

Anataja baadhi ya sera zinazotarajiwa kupitiwa upya ni pamoja na Sera ya Kuendeleza Wajasiri-amali Wadogo na waKati (SMEs) ya mwaka 2003 ya Wizara ya Viwanda, Biashara na Uwekezaji, Sera Endelevu ya Maendeleo ya viwanda ya mwaka 1996 ambayo mwisho wake ni 2020 na inayohusu mazao ya kilimo.

Maonyesho hayo yatafanyika katika Kituo cha Kimataifa cha Mikutano cha Julius Nyerere (JNICC) jijini Dar es Salaam, tarehe 5 - 9 Agosti 2019.

Maadhimisho hayo yatafunguliwa rasmi tarehe 05 Agosti 2019 na Rais wa Jamhuri ya Muungano wa Tanzania, John Magufuli ndiye atakuwa mgeni rasmi katika maonyesho hayo.

Aidha, yanarajiwa kufungwa na Rais wa Zanzibar na Mwenyekiti wa Baraza la Mapinduzi, Dk Ali Mohamed Shein Agosti 8 Mwaka huu.

Kaulimbiu ya Maadhimisho hayo ni Mazingira Wezeshi ya Biashara kwa Maendeleo Jumuiishi na Endelevu ya Viwanda.

Maonesho yatawakutanisha wazalishaji na wadau mbalimbali wa bidhaa za viwandani na wa-

fanyabiashara kutoka nchi 16 za SADC.

“Kupitia Maonesho hayo, washiriki watapata nafasi ya kufanya majadiliano ya kibiashara na kutangaza bidhaa hususan zile zinazotengenezwa katika nchi za SADC.

MKAKATI 2015- 2063

Hatua hiyo ni ya mkakati unao-lenga kuongeza kasi ya kuimari-sha ushirikiano na ushindani wa kiuchumi kwa nchi wanachama wa SADC.

Mkakati huo umejikita katika maeneo makuu matatu ambayo ni uendelezaji viwanda (industrialization); Ushindaji (competitiveness); na Mtangamano wa Kikanda (regional integration).

Utekelezaji wa Mkakati huo unaenda sambamba na utekelezaji wa Itifaki ya Biashara ya SADC (1996).

Wizara ya Viwanda inabainisha kuwa kupitia juhudi hizo Tanzania imekuwa inafanya vizuri katika ufanyaji wa biashara katika Jumuiya ya SADC.

Mauzo ya Tanzania kwenda nchi za SADC kwa mwaka 2018 yalikuwa Dola za Kimarekani Milioni 999.34 ikilinganishwa na Dola za Kimarekani Milioni 877.8 mwaka 2017.

Hii ni sawa na ongezeko la asilimia 12.16%. Wakati huo uingizaji wa bidhaa Tanzania kutoka SADC uliongezeka kutoka Dola za Kimarekani 600.64 mil mwaka 2017 hadi kufikia Dola za Kimarekani 604.32 mil mwaka 2018 sawa na ongezeko la asilimia 0.61.

Baadhi ya bidhaa muhimu ambazo Tanzania inauza SADC ni pamoja na madini mbalimbali kama vile Tanzanite na Dhahabu; bidhaa za kilimo kama vile Chai na Kahawa.

Nyingine ni bidhaa za viwandani kama vile plastiki, sigara, saruji, marumaru, na madawa na vifaa tiba.

Bidhaa ambazo Tanzania inanunua kwa wingi kutoka nchi za SADC zinahusisha magari, mbegu za mahindi, gesi, mabati, vilainishi (lubricants) na sukari. Bidhaa hizo zaidi zinatoka katika nchi za Afrika Kusini, Zambia, Mauritius na Malawi.

Vilevile, Tanzania inanufaika na miradi mbalimbali ya ushirikiano inayotekelezwa katika nchi za SADC, hususan miradi inayunganisha nchi jirani.

Miradi hii ni kama vile mradi wa maendeleo ya nishati ya umeme unaounganisha Tanzania na Zambia, mradi wa vituo vya pamoja vya forodha vya mpakani (OSBP), kati ya Tanzania na Zambia (Tunduma).

BIASHARA

Tumejipanga, hapana shaka tutanufaika maonyesho SADC

MIRADI MIKUBWA

Mradi wa Maendeleo ya Maji na uendelezaji wa Bonde la mto Songwe Tanzania na Malawi (Nakonke), Mradi wa Daraja la Umoja kati ya Tanzania na Msumbiji, uimarishaji miundombinu ya reli ya Tazara na bandari.

Hivi sasa Tanzania inatarajia kuwa mzalishaji, mfanyabiashara na mwananchi kwa ujumla, wata-pata fursa mbalimbali zitakazotokana na Maadhimisho na Maonyesho ya Awamu ya Nne ya Wiki ya Viwanda na Tanzania, kuwa Mwenyekiti wa SADC.

Waziri Bashungwa anawahamasisha wadau na wananchi wote kuchangamkia fursa hizo, ambazo anazinashiri zitaongeza chachu ya kufanya vizuri zaidi katika uendelezaji viwanda nchini.

Hadi tarehe 22 Julai 2019, jumla ya washiriki waliojiandikisha imefikia 531, kato yao 345 ni Watanzania.

Pia, inaelezwa washiriki hao 531 waliojiandikisha, waonyeshaji walioko idadi yao iko 204, kati yao 158 ni Watanzania.

Kwa mantiki hiyo, washiriki 327 watakuwa wamejisajili kwa ajili ya kushiriki mijadala mbalimbali na kutembelea maonesho.

“Hii inadhahirisha kuwa juhudi zenu za zinaleta manufaa kwa kuwa Watanzania wengi wamehamasika kushiriki. Tunawaomba mzidishe juhudi zenu ili kufikia lengo la serikali la kuwa na washiriki kati ya 800 hadi 1000,” anasema Bashungwa.

Taasisi ya Sekta binafsi Tanzania (TPSF) imeipongeza Serikali ya awamu inayoongozwa na Rais Magufuli kwa kuonyesha nia madhubuti ya kuboresha mazingira ya uwekezaji nchini.

MKUU TPSF

Katibu Mtendaji wa TPSF, Godfrey Simbeye, anasema kuwa kuna ushahidi wa kutosha unaoonyesha kuimarika kwa majadiliano kati yao na serikali.

Pia, anaeleza faraja yake kwa sekta binafsi kushirikishwa katika hatua mbalimbali za maandalizi, pia kupatiwa nyanzo muhimu na serikali zinazowawezesha kuwa washiriki wenye viwago vya kimataifa.

“TPSF imeshuhudia utayari na mwitikio mkubwa kwa upande wa serikali kukutana na kujadiliana na sekta binafsi katika ngazi zote za wilaya, mikoa na taifa na tayari mafanikio yameanza kuonekana,” anasema Simbeye.

Pia, anafafanua kuwa: “Mojawapo ya mafanikio ambayo TPSF inajivunia ni kuimarika kwa majadiliano yenye tija kati ya sekta ya umma na sekta binafsi.”

Anasema, kuna mawaziri wapa-tao saba kwenye mikoa mbalimbali, pamoja na mambo mengine



Katibu Mtendaji wa TPSF, Godfrey Simbeye, akiwa katika moja ya mikutano na wafanyabiashara, jijini Dar es Salaam.

“Hii inadhahirisha kuwa juhudi zenu za zinaleta manufaa kwa kuwa Watanzania wengi wamehamasika kushiriki. Tunawaomba mzidishe juhudi zenu ili kufikia lengo la serikali la kuwa na washiriki kati ya 800 hadi 1000.”



Wafanyabiashara wajumbe wa TPSF, ambao ni washiriki wa maonyesho hayo, wakiwa katika moja ya mikutano inayowahusu. **PICHA ZOTE: SELEMANI MPOCHI**

walitumia muda huo kuzungumza na wadau wa sekta binafsi.

Simbeye anatumia nafasi hiyo kuwakumbusha wafanyabiashara kutochanganya siasa na biashara, akibainisha taasisi hiyo ikibaini itawafuta uanachama.

Anasema pia TPSF imekusudia kujadili mambo mbalimbali na wadau wake, ikiwamo jinsi wanavyoweza kupandisha kiwango in-

achochangia sekta binafsi kwenye pato la taifa, kutoka asilimia 12 za sasa, hadi asilimia 15 au zaidi.

Katibu Mtendaji huyo anabainisha kuwa, wanatamani wadau wa sekta hiyo waitumie mikutano hiyo pia kutoa mawazo ya mwongozo wa kuboresha sheria za udhibiti nchini.

Anasema, licha ya serikali kuwa na mipango mizuri ya kuboresha

mazingira ya uwekezaji nchini, kumekuwapo tatizo la kuchelewesha utekelezaji wake, hivyo inakuwa kikwazo cha kusonga mbele katika kasi ya maendeleo kitaifa.

Simbeye anatoa mfano wa bandarini, ambako pametajwa na wadau kuwa ni kiwazo kwa kuwa na utaratibu mrefu wa utoaji wa mizigo, lakini bado haijashughulikiwa.

Waziri Masauni ashtushwa uhaba wa mbwa JNIA

Na Romana Mallya

UPUNGUFU wa mbwa katika Uwanja wa Ndege wa Kimataifa wa Mwalimu Julius Nyerere (JNIA), umemshtua Naibu Waziri wa Mambo ya Ndani ya Nchi, Hamad Masauni, ambaye amemwagiza Mkuu wa Jeshi la Polisi (IGP) Simon Sirro kuhakikisha idadi yao inaongezwa kwenye viwanja vyote nchini.

Akiwa kiwanjani hapo jana katika ziara ya kikazi, Masauni alielezwa kuwa idadi ya mbwa wenye mafunzo maalum ya kunusa na kubaini vitu ni wanne wakati uhitaji uliopo ni mbwa 16.

Masauni alifanya ziara hiyo uwanjani hapo ikiwa ni siku moja baada ya Rais John Magufuli kushuhudia makabidhiano ya kilo 35.267 za dhahabu zilizokamatwa Februari 15, mwaka jana katika Uwanja wa Kimataifa wa Jomo Kenyatta, Nairobi nchini Kenya.

Akizungumza na waandishi wa habari baada ya ziara hiyo, Masauni alisema kitendo cha kukamatwa kwa dhahabu hiyo kimetia aibu vyombo vya dola hususani Jeshi la Polisi na vile vinavyoshughulika na usalama.

“Nimekuja hapa kuangalia hali ya usalama viwanja vya ndege hii ni baada ya Rais Magufuli jana (juzi) kupokea dhahabu kutoka Kenya. Nimeona upungufu baada ya ziara yangu moja wa askari wa mbwa wenye mafunzo na sifa, ninamuagiza IGP kwa haraka ahakikishe anaongeza idadi ya askari mbwa wenye sifa ili kuongeza ufansi wa viwanja vyetu. Hili lifanyike kwenye viwanja vyote vya ndege nchini,” alisema.

Pia alisema idadi ya mbwa inatakiwa iongezwe hasa serikali inapokaribia kuhamia kwenye jengo jipya la tatu la kimataifa uwanjani hapo ambalo litakuwa na idadi kubwa ya abiria na changamoto nyingi.

“Rais Magufuli ameajiri askari wapya hivi karibuni, lazima katika kitengo cha askari mbwa nacho kifanye kazi zake, kwa kutilia mkazo suala hili, viwanja vyote vya ndege vihakikishe vinakuwa na askari mbwa wa kutosha wenye sifa vinginevyo hatutakuwa na sababu ya kuwa na watu kwenye kitengo hiki. Nitakifumua mbali tuweke watu wengine,” alisema.

Masauni alisema serikali imedhamiria kuokoa rasilimali za nchi kwa kuhakikisha kila mtu kwenye nafasi yake anatekeleza majukumu yake.

Pia Masauni alimtaka IGP Sirro ahakikishe kuna kuwa na ushiriki wa askari wa vyombo mbalimbali kwenye ukaguzi wa mizigo na abiria kwenye viwanja vya ndege.

“Tumekubaliana na Mamlaka ya Viwanja vya Ndege kufanya marekebisha ili kuwepo kwa ushiriki wa askari wetu kwenye ukaguzi wa mizigo na abiria, tumekubaliana mfumo wa ushiriki wao uboreshwe,” alisema na kuongeza:

“IGP Sirro ahakikishe watu wanaoletwa hapa wawe wa kutosha na wawe na vigezo na sifa za kuweza kubaini vitu vinavyopitishwa uwanja wa ndege na vinavyotarajia kupitishwa na wahalifu yakiwamo madini, dawa za kulevya na nyara za serikali.”

Awali, Inspekta Omar Lunyombe kutoka kikosi cha mbwa uwanjani hapo, alisema mbwa waliopo uwanjani hapo ni wanne ambao wanakagua dawa za kulevya zikiwamo Cocaine, Heroine pamoja na pembe za ndovu.

Kamanda wa Polisi Viwanja vya Ndege Tanzania, ACP Jeremiah Shila, alisema IGP Sirro aliahidi kununua mbwa wengine na mchakato umeshaanza ndani na nje ya nchi.

‘Tujibebe’ kuelimisha vijana ujasiriamali

Na Mwandishi Wetu

TAASISI isiyo ya kiserikali ya Vodacom Tanzania Foundation imeungana na Taasisi ya Ki-mataifa ya Girl Effect kuzindua ‘Tujibebe’ huduma mpya inayotoa elimu ya maisha kupitia simu ikiwalenga vijana waliopovuka wenye umri kati ya 15-19.

Huduma ya Tujibebe itawaunganisha vijana wenye uzoefu katika ujasiriamali kuwahamasisa wengine na kusaidiana kutatua changamoto za maisha wakati wakitimiza malengo yao.

Maudhui ya Tujibebe yana-lenga kuwapa vijana wa Kitanzania taarifa na rasilimali wanazohitaji kufanya maamuzi sahihi ya maisha yao, mafunzo ya kuboresha ujuzi wao, kuanzisha biashara na kusimamia fedha zao.

Tujibebe itatumia tovuti pamoja na huduma za simu za IVR kutoa mafunzo kupitia simulizi ya sauti ambayo ni bure kupitia mtandao wa Vodacom.

Jukwaa la Tujibebe limezinduliwa rasmi na Mjumbe wa Taasisi ya Sekta Binafsi Tanzania (TPSF), Simon Shayo na wadau mbalimbali wa sekta ya maendeleo.

Shayo alisema amefurahi kuona kampuni nyingi zimeungana ili kuhakikisha usawa wa kijinsia unaongezeka na pia kuwawezesha vijana kiuchumi.

Alisema serikali inafanya kazi na taasisi mbalimbali ikiwamo UNDP, USAID na Vodacom Tanzania Foundation katika masuala ya kuleta usawa na kuwawezesha wasichana.

“Sote tunafahamu kwamba teknolojia ya simu ina uwezo wa kubadilisha dunia, tunafuraha sana kuungana na Girl Effect, kupitia mtandao wetu ambapo tutaweza kuwafikia vijana wengi zaidi na kuwafanya wafikie malengo yao,” alisema Mkurugenzi wa Vodacom Tanzania Foundation, Rosalynn Mworira.

Akielezea faida za jukwaa la Tujibebe katika kuleta mabadiliko katika maisha ya vijana wa kitanzania, Mkurugenzi Mtendaji wa Girl Effect, Jessica Posner Odede, alisema maudhui ya tujibebe yametengenezwa kwa ajili ya kuwaunganisha vijana wote, lakini lengo kubwa ni kubadilisha maisha ya wasichana watakaotumia elimu kutoka Tujibebe. “Mara nyingi vijana huwa na maswali mengi kuhusiana na kesho yao, na hawajui mahali pakupata majibu sahihi.”



Waziri Mkuu, Kassim Majaliwa akikabidhi cheti kwa Mkuu wa Kitengo cha Kibenki cha Taasisi za Sekta ya Umma, Noelina Kivaria ikiwa ni utambuzi wa mchango wa benki hiyo, katika kufanikisha Mkutano Mkuu wa Mwaka wa Jumuiya za Tawala za Mitaa Tanzania (ALAT), uliofanyika jijini Mwanza hivi karibuni. Kushoto ni Mwenyekiti wa Alat Taifa, Gulamhafeez Mukadam. Benki hiyo ilikuwa ni moja ya wadhamini wa mkutano huo. **NA MPIOGAPICHA WETU**

Benki ya NBC yaahidi ushirikiano zaidi Alat

Na Mwandishi Wetu

BENKI ya NBC imeahidi kuendelea kutoa huduma bora zenye ubunifu kwa Mamlaka za Serikali ya Mtaa (Alat), ili kuongeza tija na ufanisi zaidi kwa mamlaka hizo.

Ahadi hiyo ilitolewa na Meneja Mahusiano ya Kiserikali wa NBC, William Kallaghe, wakati akizungumza kwenye Mkutano Mkuu wa 35 wa Mwaka wa ALAT jijini Mwanza hivi karibuni.

Alisema katika kipindi cha miaka 50 ya uwapo wa benki hiyo nchini, imewekeza katika huduma mbalimbali za kifedha ambazo zimeleta tija kubwa kwa mam-

laka hizo na taifa kwa ujumla.

“Katika kipindi chote hicho NBC tumefanikiwa kutoa suluhisho ya kiubunifu kupitia huduma za kielektroniki kwa Halmashauri za Wilaya na Manispaa katika ukusanyaji wa mapato sambamba na huduma za malipo zinazoboresha usahihi katika uendeshaji akaunti,” alisema.

Alibainisha kuwa uwezo huo umeimarishwa zaidi kufuata mfumo wa Malipo ya Serikali Kielektroniki (GePG), Mtandao wa NBC Wakala, Mfumo wa makusanyo wa POS pamoja na makusanyo kupitia simu za mikononi.

Kwa mujibu wa Kallaghe, huduma za kielektroniki za malipo na ukusanyaji wa mapato zinazotolewa na benki ya NBC kwa mamlaka hizo zimeongeza ufanisi katika malipo na ukusanyaji wa mapato kwa mamlaka hizo, hivyo kurahisisha usahihi katika uendeshaji wa akaunti zao.

“Matawi ya NBC yamewezeshwa kwa nyanja zote katika kufanikisha mahitaji yote ya kifedha kwa Halmashauri na Mamlaka zote za serikali ya mitaa,” alibainisha huku akiongeza kuwa lengo kuu ni kuhakikisha mamlaka hizo zinatoa huduma bora na za kisasa sambamba na kujiongeza mapato.

MATANGAZO MCHANGANYIKO

ELIMU/ MASOMO

NAFASI ZA MASOMO. Chuo cha Uguzi na Ukunga MASSANA kilichopo dar es Salaam, Mbezi Beach Goba Road. Kinatangaza nafasi za masomo kwa ngazi ya Diploma na cheti yatakayoanza mwezi wa September 2019. Njoo tukujazie Form Kupitia Mtandao wa Nacte: 0713 321260/0769 666880

NIPASHE NI JIBU LAKO NJOO UTANGAZE NASI BIDHAA YAKO KWA BEI NAFUU SANA

**JAMHURI YA MUUNGANO WA TANZANIA
MAHAKAMA YA MWANZO KAWA
(S.M.M. 1984 NYONGEZA)
YA 5 KANUNI YA 2**

Katika Mahakama ya Mwanzo: **MJINI TANGA** Usimamizi wa Mirathi No. **69/2019**

Ombi la **HAMISI MALIKI** kuteuliwa msimamizi wa mirathi ya Marehemu **RUKIA BIWTHAMISI**

Watu wote wanaodai kuwa na uhusiano wowote na mirathi ya Marehemu huyo wanaalikwa kuja na kuhudhuria kesi wakitaka mnao tarehe **12/7/2019**.

kabla huyo mwombaji hajateuliwa kuwa msimamizi wa mirathi hiyo.

Wosia wa Marehemu huyo upo Mahakamani waweza kukaguliwa tarehe **12/07/2019**.

115341002

KUPOTEA KWA VYETI



Meshack Muganyizi anatangaza kupotea kwa vyeti vifuatavyo; cheti cha kidato cha nne chenye **index namba S.0841/0199** kilichotolewa na Baraza la Mithihani la Taifa mwaka 2012 katika shule ya Sekondari Humura, cheti cha kidato cha sita chenye **index namba S.0109-0776** kilichotolewa Baraza la Mithihani la Taifa mwaka 2015 katika shule ya Sekondari Ihungo na cheti cha kuzaliwa chenye namba **C/No02164903**. Yeyote atakaeviona atoe taarifa kituo chochote cha Polisi. Polisi Taarifa: **UDSM/RB/5308/2017**

115341002

KUPOTEA KWA CHETI



Misanga Abdala Hassan anatangaza kupotea kwa cheti cha kidato cha nne chenye **index namba S.1619/0113** kilichotolewa na Baraza la Mithihani la Taifa mwaka 2013 katika shule ya Sekondari Victory, Yeyote atakaeviona atoe taarifa kituo chochote cha Polisi. Polisi Taarifa: **UD/RB/1563/2019**

115341202

**JAMUHURI YA MUUNGANO WA TANZANIA
TANGAZO
FORM II**

Katika Mahakama ya Mwanzo Moshi Mjini
USIMAMIZI WA MIRATHI NO 79.....2019,

Ombi la Kuteuliwa kuwa msimamizi wa mirathi Usimamizi wa mirathi ya Marehemu **DR. Fulgence Masha.**

Kwa: Yeyote anaehusika

Watu wote wanaodaiwa kuwa na uhusiano wowote na mirathi ya marehemu huyo wanaalikwa kuja na kuhudhuria kesi wakitaka mnao tarehe 16-08-2019 kabla huyo mwombaji hajateuliwa kuwa msimamizi wa mirathi hiyo .

Wosia wa marehemu huyo upo Mahakamani waweza kukaguliwa. Tarehe 23-07-2019

115341502

**JAMHURI YA MUUNGANO WA TANZANIA
KUITWA SHAURINI MDAIWA
Mahakama ya mwanzo DODOMA MJINI
Wilaya ya DODOMA
MADAI NAMBA 171/2019
MDAI WILLIAM JACKSON CHANZENZE
MDAIWA KUSAJA NZINDO
Kwa KUSAJA NZINDO
KIJILI CHA MAKANDAJ/ TINAI**

Kwa kuwa mdai ameleta/wameleta madai yake/yao kwamba MADAI YA TSH. 24.500,000/=

Hivyo unahitajika kuhudhuria binafasi katika Mahakama hii siku ya Jumanne tarehe 13/08/2019 saa 2.30 asubuhi kwa kujibu madai hayo. Na kwa kuwa siku hiyo ya kukatwa shauri hilo, ni lazima kuleta mashahidi wako/wenu na hati zote zinazohusu shauri hilo kwa ajili ya kujitetea katika shauri hilo.

Na kama hukuhudhuria siku iliyotajwa hapo juu, Mahakama itathibitisha kama umepokea /mmepokea kuitwa shaurini, hii itaweza kutoa hukumu kuwa umeshindwa /mmeshindwa

Hati hii yatolewa kwa Amri yangu na chapa ya mahakama hii leo tarehe 25/07/2019

115341602

**KUPOTELEWA NA
KADI YA GARI.**

Jafari Sitta Nyanda anatangaza kupotelewa na Kadi ya gari aina ya Toyota Kluger yenye namba za usajili T 139 DKZ yenye Engine No. **2AZ1603122** na Chassis No. **ACU200111165**.

Kwa yeyote atakayeiona atoe taarifa katika Kituo chochote cha Polisi.

Taarifa ya Polisi
KAH/RB/ 581/2019.

115341002

**Kwa Habari Motomoto
usikose Gazeti lako la
Nipashe kila siku
NJOO UTANGAZE
BIDHAA YAKO
KWA BEI NAFUU SANA**

**Kwa Habari
Motomoto
usikose Gazeti
lako la
Nipashe kila
siku
Tupigie
0767 223 311**

**OFISI ZA MATANGAZO
MIKOCHE NI INDUSTRIAL AREA,
PO.BOX 31042, DAR ES SALAAM. MOB: +255 - 745 700 710.
E-mail: advertise@guardian.co.tz, website: www.ippmedia.com**

TAHADHARI: Wasomaji wanatakiwa kuuliza na kuchukua ushauri sahihi kabla ya kutuma fedha, au kuingia katika gharama yoyote kati yake na mtangazaji THE GUARDIAN LIMITED hawatahusika kwa malipo au manunuzi yoyote kati ya muuzaji na mnunuzi kwa matangazo yaliyochapishwa katika gazeti hili.

HABARI MICHEZO

EVERTON YAJITOSA KUMWANIA ZAHA

LONDON, England

KLABU ya Everton imeingia kwenye mbio za kumwania mshambuliaji wa Crystal Palace, Wilfried Zaha, baada ya mchezaji huyo kuweka wazi kwamba anataka kuondoka pale Goodison Park.

Everton imeingia kwenye mbio hizo huku Arsenal nayo ikiwa inamwania mchezaji huyo mwenye umri wa miaka 26 kwa udi na uvumba. Kwa mujibu wa Sky Sport, Everton inajitanda kutuma ofa ya pauni milioni 55 kwa Crystal Palace kwa ajili ya kumsajili winga huyo.

Huku Arsenal ikisusua kuhu su bajeti ya usajili wa mchezaji huyo kipindi hiki cha majira ya joto, Everton sasa inataka kuwapiku na kumsajili nyota huyo.

Chanzo kimoja kilichopo karibu na mchezaji huyo, kimedokeza kwamba, Zaha mwenyewe anataka kuondoka klabuni hapo.

Arsenal kwa mara ya kwanza walitoa ofa ya pauni milioni 40 kwa ajili ya kumsajili Zaha, lakini ilikataliwa.



Idrissa Gueye sasa kutua PSG

PARIS, Ufaransa

KLABU ya Everton imefikia makubaliano ya kulipwa pauni milioni 28 ili kumuza kiungo wake, Idrissa Gueye kwenda Paris Saint Germain.

Mchezaji huyo wa kimataifa wa Senegal kwa muda mrefu alikuwa akiwania na miamba hao wa Ligi Kuu ya Ufaransa na sasa wameamua kumchukua mazima.

Hata hivyo, usajili wa mchezaji huyo unaweza kuchelewa, kutokana na mambo kadhaa ambayo yanatakiwa kukamilishwa kwanza kabla ya kufikia makubaliano ya kumsajili.

Aidha, imeripotiwa kuwa tayari Gueye na PSG wame-shafikia makubaliano ya maslahi binafsi kwa ajili ya kutua jijini Paris.

Mchezaji huyo mwenye umri wa miaka 29, ambaye amekuwa na kiwango cha kuvutia aliwasili klabuni hapo mwaka 2016, na sasa inaaminika kwamba anataka kwenda kupata changamoto mpya katika klabu nyingine.

Na pia ameripotiwa kuwa ana shauku kubwa ya kutaka kucheza kwenye michuano ya Ligi ya Mbingwa Ulaya.

Gueye aliweka wazi mpango wa kutaka kuondoka hapo Goodison Park kwenda PSG Januari mwaka huu.

Mchezaji huyo wa zamani wa Aston Villa amebainisha wazi mpango wake wa kutaka kwenda kucheza Paris.

Hata hivyo, ujio wa Fabian Delph hapo Everton kutoka Manchester City unaonekana ndio sababu kubwa kwa Gueye kutaka kuondoka klabuni hapo kipindi hiki cha majira ya joto.



Ayew akamilisha usajili

LONDON, England

KLABU ya Crystal Palace imekamili-sha usajili wa kudumu kwa mshambuliaji, Jordan Ayew baada ya kucheza kwa mkopo kutoka Swansea.

Ayew mwenye umri wa miaka 27, msimu uliopita aliwachezea kwa mkopo Eagles hao na sasa atarudi katika dimba Selhurst Park baada ya kukubali kusaini mkataba wa miaka mitatu na klabu hiyo.

Ayew alifunga bao moja katika mechi 20 za Ligi Kuu na sasa atacheza tena klabu hiyo msimu huu.

"Kwa hakika nina furaha kubwa, nilifurahia msimu uliopita," alisema Ayew akinukuliwa na cpfc.co.uk.

"Nilifurahia mandhari ya uwanja,

mashabiki na wachezaji wenzangu, kila kitu kilikuwa sawa kabisa kwa upande wangu na nimeamua kuendelea kuitumikia Crystal Palace."

Kocha wa Palace, Roy Hodgson ambeinisha kuridhishwa kwake na kiwango cha Ayew na kusema kwamba atakuwa na mchango mkubwa kwa timu hiyo.

"Tuna furaha kubwa kukamilisha usajili wa Jordan tutakuwa nae tena hapa kwa misimu mitatu na ataendelea kucheza hapa Crystal Palace," alisema.

"Alijimarisha yeye mwenyewe na kuonyesha kiwango cha juu na aliisaidia timu kwa kipindi chote alichocheza na sisi hapoa."



HABARI MICHEZO

Klopp amkataa Coutinho Liverpool

LIVERPOOL, England

JURGEN Klopp ametupilia mbali uwezekano wa Philippe Coutinho kurudi kwenye dimba la Anfield, akisisitiza kwamba mshambuliaji huyo anatakiwa kujiimarisha yeye mwenyewe pale Barcelona.

Coutinho tangu atue Camp Nou miezi 18 iliyopita kiwango chake kimeonesha kushuka licha ya kubeba mataji mawili ya Ligi Kuu na miamba hao wa Katalunya.

Barcelona imekuwa ikijaribu kutaka kumuza Coutinho kwenda Paris Saint-Germain huku wao wakitaka kumrudisha Neymar na hivi karibuni alikuwa akihusishwa na mpango wa kurudi Liverpool.

Lakini Klopp ameiambia ESPN kwamba hakuna uwezekano wa mchezaji huyo mwenye umri wa miaka 27 kurudi klabuni hapo badala yake anatakiwa kujiimarisha kwenye Ligi hiyo ya Hispania.

"Kiukweli Phil Coutinho anaweza kuisaidia timu yoyote duniani, kwani bado yupo fiti kwa asilimia 100," amesema Klopp.

"Sio kuhusu hilo, Nampenda Phil, nafikiri ni mchezaji mzuri, lakini kumsajili tena itatakiwa kutumia kiasi kikubwa zaidi cha fedha.

"Na hilo haliwezekani. Kwa sasa ni bora zaidi akaendelea kucheza Barcelona na kuweza kujiimarisha kwa kiwango chake."



USAJILI WA GRIEZMANN UNaweza KUZUIWA

MADRID, Hispania

USAJILI wa mchezaji Antoine Griezmann kutoka Atletico Madrid kwenda Barcelona unaweza kuzuiwa kutokana na mzozo wa malipo, kwa mujibu wa BBC Sport.

Uwezekano wa kutokea hatua hiyo umedokezwa na rais wa ligi kuu ya Hispania, La Liga, Javier Tebas.

Atletico Madrid imetuma malalamiko baada ya Barcelona kutangaza kumsajili Griezmann kwa kukubali kutoa kitita cha euro milioni 120 kama matakwa ya mkataba wa mchezaji huyo ulivyoainisha Julai 12 mwaka huu. Bei ya mchezaji huyo kimkataba ilishuka kutoka yuro milioni 200 hadi milioni 120 Julai Mosi mwaka huu.

Hata hivyo, Atletico wanaamini kuwa Barcelona na Griezmann walikubaliana kuhusu usajili mapema mwaka huu na kusubiri ifike Julai Mosi ili bei yake ipungue.

"Inawezeka kuzuia uhamisho wa mchezaji," Tebas ameuambia mtandao wa Onda Cero. "La Liga itabidi iamue nini cha kufanyika katika sakata hili."

Griezmann tayari ameshacheza mchezo mmoja wa kirafiki na klabu yake mpya ya Barcelona, ambapo walifungwa 2-1 na Chelsea nchini Japan.

Tebas amesema: "Atletico wamewasilisha malalamiko yao na wameonesha namna gani kuna mashaka ya kuwapatia Barcelona leseni ya Griezmann."

"Tayari kuna mchakato wa kulitatua hili, na wale ambao wanalisisamia itabidi waeleze namna ya utatuzi wake."

Atletico iliiripoti Barcelona kwa chombo kinachosimamia soka duniani, Fifa, kwa madai ya kumfuata kinyume cha sheria Griezmann Disemba mwaka 2017.

Mchezaji huyo alikataa kujiunga na Barcelona mwaka mmoja uliopita.



Milinkovic-Savic akaribia kutua Manchester United

LONDON, England

SERGEJ Milinkovic-Savic anakaribia kujiunga na Manchester United baada ya wakala wake ambaye pia ni mchezaji wa zamani wa Chelsea, Mateja Kezman kuripotiwa kusafiri kwenda jijini London kwa ajili ya mazungumzo.

Kiungo huyo kwa muda mrefu amekuwa akihusishwa na mpango wa kuhamia kwenye Ligi Kuu ya England na ameripotiwa kwamba ndiye mbadala wa Paul Pogba kama akiondoka hapo Old Trafford.

Na sasa wakala wa Milinkovic-Savic, Kezman, ambaye aliicheza Chelsea mechi 41 ametua nchini England kwa ajili ya kukamilisha uhamisho wake kutoka klabu ya Lazio kwa mujibu wa gazeti la Gazzetta dello Sport.

Taarifa zaidi zinasema kuwa klabu zote

mbili, Lazio na Man United zimekubaliana ada ya uhamisho ya pauni milioni 71 kwa ajili ya mchezaji huyo ili azibe pengo la Pogba.

Pogba raia wa Ufaransa amekuwa akihusishwa na mpango wa kuondoka pale Old Trafford, huku timu za Real Madrid na Juventus zikitajwa kumuwanika.

Milinkovic-Savic, ambaye alifunga mabao saba na kutoa pasi za mwisho 41 akiicheza Lazio msimu uliopita, alikuwa anawaniwa na United tangu msimu uliopita wakati Jose Mourinho akawa kocha pale.

Mwaka jana Milinkovic-Savic aliongeza mkataba wake na Lazio ambao utamfanya akae hapo hadi mwaka 2023 na mapema mwezi huu, rais wa klabu hiyo, Claudio Lotito alisema kwamba itakuwa vigumu kwake kumbakisha mchezaji huyo mwenye umri wa miaka 24.

DONDOO ZA SOKA MAGAZETI YA ULAYA



TOTTENHAM VITANI KUMWANIA DYBALA

●●● Yajiandaa kutumia kiasi kikubwa cha fedha kukamilisha usajili wa straiika huyo...

TURIN, Italia

KLABU ya Tottenham imeanza mawasiliano na Juventus kwa ajili ya kumsajili straiika Paulo Dybala, ambaye thamani yake imetajwa kuwa ni pauni milioni 80.

Usajili huu wa kushtuki-za ambao unaonekana kuwekwa nguvu zaidi na timu hiyo iliyopoteza mchezo wa fainali ya Ligi ya Mabingwa Ulaya, mabosi wa klabu hiyo wameeleza wako tayari kutumia kiasi kikubwa cha fedha ili kumasa mshambuliaji huyo.

Ofisa mmoja wa Spurs ambaye yuko jijini Turin kwa ajili ya kuzungumza na

Juventus kuhusiana na uhamisho wa straiika huyo mwenye umri wa miaka 25, amesema wako tayari kuvunja rekodi ya usajili ya klabu yao ambayo waliweka mapema katika kipindi cha majira ya joto mwaka huu, ili kufanikisha nyota huyo anatua London Kaskazini.

Dybala, ambaye pia ni mchezani wa Timu ya Taifa ya Argentina, anatajwa kuwa ni mmoja kati ya washambuliaji bora duniani kwa sasa na endapo atafanikiwa kutua Spurs, Mauricio Pochettino atakuwa ameimarisha kwa kiwango kikubwa kikosi chake.

Hata hivyo, mshambuliaji huyo ameonekana kuwa katika wakati mgumu tangu Cristiano Ronaldo alipotua Juventus, msimu uliopita alifanikiwa kufunga mabao 10, na klabu hiyo ya Italia inafikiria kujiandaa kupokea ofa mbalimbali kwa ajili ya kumuza mshambuliaji huyo.

Huku wakiwa wamefanikiwa kum-

sajili, Tanguy Ndombele kutoka Lyon mapema mwezi huu, Spurs pia imejikita katika kuhakikisha inafanikiwa kumasa Dybala katika klabu yake na inatarajia kutenegeza "pacha" pamoja na mshambuliaji mwingine wa timu hiyo, Harry Kane.

Imefahamika kuwa, mawasiliano kuhusu usajili wa nyota huyo yalianza tangu mwezi uliopita, kupitia kwa mwenyekiti wa timu hiyo, Daniel Levy ambaye amehitaji kumwongezea nguvu kocha wa timu hiyo, ingawa Manchester United na Paris Saint-Germain zote zimetajwa kuwa kwenye mbio za kumwania straiika huyo.

Februari mwaka jana kabla Spurs hajacheza na Juventus katika mechi ya hatua ya 16 bora ya Ligi ya Mabingwa Ulaya, Pochettino alisema kuwa: "Kila siku ni vizuri kucheza dhidi ya timu nzuri duniani," kocha huyo alisema maneno hayo kabla ya kutambua kipaji cha Dybala kuwa ni cha kipekee.

ZISIKUPITE

GUEYE AKARIBIA PSG

MABOSI wa Paris St-Germain wamekubali kulipa kiasi cha pauni milioni 28 kwa ajili ya kumsajili mshambuliaji wa Timu ya Taifa ya Senegal na Everton, Idrissa Gueye, ambaye ana umri wa miaka 29. *(Mail)*

ZAHA ATAKIWA EVERTON

EVERTON ambayo ni maarufu kwa jina la The Toffees inatarajia kukamilisha mazungumzo na Crystal Palace ili kumsajili winga wa Timu ya Taifa ya Ivory Coast, Wilfried Zaha mwenye thamani ya pauni milioni 80. *(Sky Sports)*

KLOPP AMKATAA COUTINHO

KOCHA wa Liverpool, Jurgen Klopp ameahirisha uamuzi wa kumrejeshwa katika kikosi chake kiungo wa Barcelona, Philippe Coutinho (27), ambaye aliondoka Anfield mwaka 2018 kwa dau la pauni milioni 142. *(ESPN)*

BRUCE: LONGSTAFF HAONDOKI

KOCHA wa Newcastle, Steve Bruce, ameiambia Manchester United kuwa hawana nafasi ya kumsajili kiungo raia wa England, Sean Longstaff, ambaye ana umri wa miaka 21. *(Star)*

BAILLY NJIA PANDA

BEKI wa Manchester United na Timu ya Taifa ya Ivory Coast, Eric Bailly (25), anahofia kuwa mhanga wa mchakato wa usajili wa beki wa kati wa Leicester na England, Harry Maguire, ambaye anatarajia kujiunga na klabu hiyo ya Old Trafford. *(Metro)*

PEPE KUMRITHI LUKAKU

MANCHESTER United imemtaja mshambuliaji wa Lille na Timu ya Taifa ya Ivory Coast, Nicolas Pepe (24), ambaye thamani yake ni pauni milioni 70, kuwa ndiye mrithi wa straiika wa Ubelgiji, Romelu Lukaku ambaye anakaribia kujiunga na Inter Milan. *(Times)*

LUKAKU AWEKWA PEMBENI

STRAIKA Romelu Lukaku (26), amekubali kuwekwa pembeni katika mechi za maandalizi ya msimu mpya zinazochezwa na Manchester United ili kutoharibu mchakato wake wa usajili wa kuelekea Inter Milan ambao utahusisha dau la pauni milioni 75. *(Sun)*

KHEDIRA ANUKIA WOLVES

MABOSI wa Wolves wameanza mazungumzo ya kumsajili kiungo wa Juventus, Sami Khedira (32). *(Sky Sports Italia via Football Italia)*

SERGEJ AANZA KUAGA

KIUNGO wa Lazio, Sergej Milinkovic-Savic (24), amewaeleza wachezaji wenzake kuwa ataondoka klabuni hapo katika majira ya joto huku kukiwa na tetesi za kutakiwa na Manchester United. *(Il Tempo via Express)*

WOLFSBURG, LEIPZIG VITANI

KLABU za Wolfsburg na RB Leipzig zimeonyesha nia ya kumsajili kwa mkopo, winga wa Arsenal, Emile Smith Rowe, ambaye ana umri wa miaka 18. *(Independent)*

KOSCIELNY MATATANI

BEKI Mfaransa Laurent Koscielny (33), atalazimishwa kufanya mazoezi na timu ya vijana ya Arsenal licha ya kikosi cha kwanza cha timu hiyo tayari kimesharejea England baada ya kumaliza ziara ya Marekani. *(Mirror)*

HABARI MICHEZO

Zahera kurejea nchini kesho

Na **Faustine Feliciane**

WAKATI kambi ya Yanga ikiendelea kupamba moto mkoani Morogoro, Kocha Mkuu wa timu hiyo Mkongomani Mwinyi Zahera, anatarajiwa kuwasili nchini kesho.

Akizungumza na gazeti hili jana, Mratibu wa timu hiyo, Hafidh Saleh, alisema kuwa licha ya kutokuwapo nchini, kocha huyo alikuwa akitoa maelekezo ambayo yalikuwa yanafanywa kazi katika programu za mazoezi.

"Kocha anarejea nchini Jumamosi na siku inayofuata (Jumapili) ataondoka Dar es Salaam na kuja huku (Morogoro) kambini ili kuendelea na majukumu yake," alisema Saleh.

Mratibu huyo aliongeza kuwa timu ikiwa chini ya Kocha Msaidizi, Noel Mwandila, inaendelea na programu zake za mazoezi na wamebakisha michezo miwili ya kirafiki kabla ya kikosi kurejea Dar es Salaam kwa ajili ya kushiriki katika tamasha lao la Siku ya Wananchi.

Katika hatua nyingine, akizungumzia suala la wachezaji waliogoma kujiunga na kambi, Saleh, alisema kuwa suala la wachezaji hao linafanywa kazi na uongozi wa timu hiyo.

Wachezaji ambao wapo nje ya kambi ya timu hiyo bila taarifa na ruhusa ya klabu ni pamoja na Kelvin Yondani, Juma Abdul na Andrew Vincent 'Dante'.

Katika tamasha lake ambalo litafanyika kwa mara ya kwanza, Yanga itacheza mchezo wa kirafiki wa kimataifa dhidi ya Kariobang Shark kutoka Kenya.

Black Sailor FC yasonga mbele

Na **Hawa Abdallah**, ZANZIBAR

TIMU ya Black Sailor imefanikiwa kusonga mbele katika bonanza la Ujamaa baada ya kuifunga Kundemba mabao 3-0 kwenye mechi ya ufunguzi iliyochezwa kwenye Uwanja wa Amaan visiwani hapa.

Mabao ya Black Sailor katika mechi hiyo iliyokuwa na ushindani wakati wote, yalipachikwa na Nurdin Mohammed, Saleh Mshamu na Fauzi Abdallah.

Akizungumza na gazeti hili jana, nahodha wa Black Sailor, Mshamu, alisema matarajio yao ni kuona wanachukua ubingwa wa bonanza hilo na vile vile kutumia michezo hiyo kujiandaa na msimu mpya.

Mshamu alisema kuwa siri ya wao kupata matokeo mazuri ni wachezaji kujituma na kuiona mechi hiyo sawa na fainali.

"Tumeanza vizuri, wachezaji tulijituma lakini malengo yetu ni kuchukua kombe hili, japo timu zinazoshiriki zote ni nzuri na zimejipanga vema," alisema Mshamu.

Bonanza hilo la Ujamaa ambalo ni la tatu kufanyika mwaka huu, limeandaliwa na Klabu ya Ujamaa na lina-shirikisha timu 16 ambazo zinacheza kwa mtindo wa mtoano.

ZFF, KLABU PEMBA SASA KIMEELEWEKA

Na **Hawa Abdallah**, ZANZIBAR

SHIRIKISHO la Soka Zanzibar (ZFF), vilabu vya Ligi Kuu visiwani hapa na Ligi Daraja la Kwanza Kanda ya Pemba vimefikia makubaliano na sasa vilabu hivyo vimeahidi vitashiriki katika ligi mbalimbali zinazoandaliwa na shirikisho hilo, imeelezwa.

Kikao cha makubaliano kati ya pande hizo mbili kilifanyika jana kwenye Ukumbi wa Gombani ambacho kilimalizika kwa mafanikio ya soka ya Zanzibar.

Ilielezwa kuwa klabu hizo za Pemba zilitaka kuhakikishiwa madai yao kufanyiwa kazi, jambo ambalo limetatuliwa na ZFF.

Katika barua yao ya Julai 6 mwaka huu, klabu hizo zilisema kuwa zinahitaji kupatiwa kanuni, kufahamu kama ligi ina mdhamini na klabu zitapata nini kutoka

kwa wadhamini hao na vile vile walikuwa gharama za uhamisho wa wachezaji kutoka nje ya Zanzibar, ambazo ni Sh. milioni 1.5 kwa sasa zipungue.

Madai mengine ya klabu hizo kutounga mkono uamuzi wa kushusha daraja kwa timu sita kati ya klabu 16 zinazoshiriki Ligi Kuu na kueleza kwamba kanuni hiyo itaziumiza zaidi timu zinazotoka Pemba kutokana na kutokuwa na fedha za kupambana ikilinganishwa na wenzao wa Unguja.

Rais wa ZFF, Seif Kombo Pandu, ambaye amechaguliwa kukiongoza chama hicho mapema mwezi uliopita, alilazimika kuitisha kikao ili kumaliza sintofahamu hiyo.

Pandu alisema kuwa kupitia makubaliano hayo, tayari klabu zote zimethibitisha kwa maandishi kwamba zitaanza taratibu za maandalizi ya msimu mpya. Alisema pia viongozi hao wameridhika na maelezo waliyopatiwa katika

kikao hicho ambacho Pandu aliambatana na Katibu Mkuu wa ZFF, Mohammed Hilal "Tedy" na kukubali kushiriki ligi za msimu ujao.

Khamis Hamad Khamis, kiongozi wa Mwenge FC, alisema kuwa wamefurahi kufikia muafaka kutoka kwa rais huyo wa ZFF, jambo ambalo walifikiria awali lisingewezekana.

"Hapo awali tulifikiria kama tunaonekana, ndio maana tukatoa malalamiko yetu kwa barua, ila kutokana na mwelekeo tuliofahamishwa, mambo yamekwenda vizuri na sasa tunaamini tumepata kiongozi bora katika soka letu," alisema Khamisi.

Naye Katibu Mtendaji wa FFC, Ramadhani Dadi, alisema kuwa wanashukuru sana kukutana na rais na wanatarajia kupata mazuri kutoka kwake katika kundesha soka la Zanzibar na kumuomba atekeleze ahadi ambazo alizitoa wakati anaingia madarakani.



Mkurugenzi wa Uendeshaji SportPesa, Luca Neghesti akikabidhi mbegu za nyasi mpya kwa Wizara ya Michezo kuchangia maboresho ya sehemu ya kucheza ya Uwanja wa Taifa. Kushoto ni Mkurugenzi wa Wizara ya Habari, Sanaa, Utamaduni na Michezo, Yusuf Singo. **NA MPIGAPICHA WETU**

Azam FC, Eagle Noris uwanjani

Na **Shufaa Lyimo**

KATIKA kuendelea kujiimarisha kuelekea msimu mpya wa Ligi Kuu Tanzania Bara na mashindano ya kimataifa, Azam FC, wanatarajia kucheza mechi ya kirafiki dhidi ya Eagle Noris kutoka Burundi itakayochezwa leo kwenye uwanja wa Azam Complex.

Azam ambayo imerejea nchini wiki iliyopita ikitokea Rwanda katika mashindano ya Kombe la Kagame, imepangwa kuanza na Ethiopia 1 ya Ethiopia, kwenye michuano ya kimataifa ya Kombe la Shirikisho Afrika.

Akizungumza na gazeti hili jana, Msemaji wa timu hiyo, Jafferi Idd, alisema kuwa wanaamini mechi hiyo ya leo itaendelea kuwaweka wachezaji wao tayari kukabiliana na ushindani kwenye msimu mpya unaojarajwa kuanza mapema mwezi ujao.

Idd alisema kuwa benchi la ufundi la timu hiyo linafurahi kuona kila mchezaji anajituma katika mazoezi, ili kujihakikishia namba katika kikosi cha kwanza.

"Timu inaendelea vizuri na mazoezi yake, na kesho (leo) Ijumaa tutakuwa na mchezo wa kirafiki dhidi ya Eagle, ni katika mwendelezo wa maandalizi yetu ya msimu mpya," alisema Jafferi.

Kiongozi huyo alisema pia, hali za wachezaji wote wa timu hiyo zipo vizuri na kudai kila mmoja ana morali ya kufanya vizuri katika msimu mpya wa Ligi Kuu Bara ambao utaanza ifikapo Agosti 23 mwaka huu.

Michenze

Ijumaa Julai 26, 2019

Nipashe

Everton yajitosa kumwania Zaha

UKURASA 28



Raheem Sterling wa Manchester City akimpiga chenga golikipa wa Kitchee, JQ Guo, wakati wa mchezo wa kirafiki baina ya timu hizo juzi, nchini China. Man City iliibuka na ushindi wa mabao 6-1. **PICHA: MTANDAO**

Ndairagije: Kenya sio wa kuwabeza

Na Faustine Feliciane

LICHA ya kufanya maandalizi mazuri kuelekea kwenye mchezo wa kusaka tiketi ya kucheza fainali za Kombe la Mataifa Afrika kwa wachezaji wa ndani (CHAN) dhidi Kenya (Harambee Stars), Kocha Mkuu wa Timu ya Taifa (Taifa Stars), Etienne Ndayiragije, amesema kuwa wapinzani wao si wa kuwabeza.

Taifa Stars inatarajia kuikaribisha Harambee Stars keshokutwa kwenye Uwanja wa Taifa jijini Dar es Salaam na zitarudiana baada ya wiki mbili nchini Kenya. Akizungumza na gazeti hili jana, Ndayiragije, alisema kuwa anafurahishwa na hama ya kila mchezaji kwenye timu hiyo na kueleza kwamba wataingia uwanjani wakiwa tofauti na wanavyofahamika.

Ndayiragije alisema kuwa lengo la kubadilisha mfumo wa uchezaji, ni kutaka kuwachanganya Harambee Stars ambayo wanafahamiana baada ya kukutana katika mashindano mbalimbali.

"Tutachukua tahadhari kubwa katika mechi hiyo, Kenya nao watakuja kamili kupambana ili kuweza kupata matokeo mazuri, ipo mbinu ambayo naendelea kuwapa wachezaji wangu kuelekea katika mchezo huo ambao ni muhimu," alisema Ndayiragije.

Aliongeza kuwa anafahamu wapinzani wao wapo vizuri na wanacheza kwa kutumia nguvu zaidi, lakini hana wasiwasi kwa sababu amejitandaa kwa kila mbinu kuhakikisha hawafanyi makosa katika mchezo huo muhimu.

"Kikubwa wachezaji wameonyesha hali ya kutamani ushindi, wanafuata kile ambacho nawaelekeza mazoezini, kwa siku zilizobakia ni kuwaweka sawa, stamina yao ni nzuri na kwa kifupi, wako tayari kwa mchezo huo," alisema kocha huyo.

Kilomoni akamatwa, aachiwa na polisi

●●● Alikuwa akifanya mkutano na waandishi bila kibali, atakiwa kuandika barua...

Na Shufaa Lyimo

MWANACHAMA wa Simba, Hamisi Kilomoni, jana, alikamatwa na Jeshi la Polisi kabla ya kuachiwa huru kwa kosa la kufanya mkutano na waandishi wa habari bila kibali.

Kilomoni alikamatwa nyumbani kwake Kinondoni Block 41 na kupelekwa katika kituo cha polisi cha Oysterbay ambako alishikiliwa kwa muda.

Hata hivyo, baadaye Kilomoni aliachwa huru na kurejea nyumbani kwake na kuwaeleza waandishi wa habari kwamba, ametakiwa kuomba kibali cha kufanya mkutano huo.

Awali kabla ya kuanza kuzungumza

alisitishwa na kuamuriwa na polisi kuelekea kituo cha Polisi Oysterbay Kinondoni jijini Dar es Salaam.

Waandishi walimwomba azungumze kidogo kabla ya kupanda kwenye gari la polisi alisema, ameshangazwa na kitendo cha polisi kuja nyumbani kwake na kudai haijawahi kutokea.

"Mimi nashangaa kuona polisi wamekuja kwangu wananichukua wanasema sina kibali cha kuzungumza na wana-habari," alisema Kilomoni kabla ya kupanda gari la polisi.

Alisema kila mara anapotaka kuzungumza na waandishi wa habari huwa anafanyia kwake, kutokana na yeye hali yake kiafya sio nzuri.

"Mimi huwa nafanyia mkutano hapa hapa kwa sababu mimi ni mgonjwa kwa muda mrefu," alisema.

